



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material


6344

6345

6346

6347

6348



1295 1875  
1900  
1904  
1898

738

Money 9/6

50

Printed in Turkey



ԳՐԻՑԵՋՆՈՐԲՐԻՆՔ

ՄԵՇԻՆ

Վ. Ա. Ր. Դ. Ա. Ն. Ա. Յ

ԵՒ

ՎԱՅԱՆԱՆՑ

ՄԱՄԻԿՈՆԵԻՑ

ԵՒ

ՆԿԱՐԱԳՐՈՒԹԻՒՆ

ԱՆԻ ՔԱՂԱՔԻ

ԵՒ

ԱՌՈՒՄՆ ԻՅՈՒՆԱՅ



ԳՐԵԱՅ

ՏԻԳՐԱՆ Գ. ԲԱՓԱՄԱՃԵԱՆ

Կ. ՊՕԼԻՍ

ՏՊԱԳՐՈՒԹԻՒՆ Տ. Գ. ԹՕՂԵՆՆՑ

( 1875 )

9(47. 925) ԳԼԵՅԱՋՆՈՒԹԻՒՆՔ

ՄԵՇԻՆ

ՎԱՐԴԱՆԱՅ ԵՒ ՎԱՀՍԱՆԱՅ

ՄԱՍԻԿՈՆԵԻՑ


ԵՒ

ՆՎԱՐԱԳՐՈՒԹԻՒՆ

ԱՆԻ ՔԱՂԱՔԻ


ԵՒ

ԱՌՈՒՄՆ Ի ՅՈՒՆԱՅ



ԳՐԵԱՅ

ՏԻԳՐԱՆ Գ. ԲԱԹՄԱՃԵԱՆ



Կ. ԳՈՒԽ

ՏՂԱԳՐՈՒԹԻՒՆ Տ. Գ. ԹՕՂԵԱՆՑ

( 1875 )

11177

Ի ՅԻՇԵՏՈՎ ԸՆԾԸ ՀՈԳԻՈՑ  
ՈՒՍՈՒՄՆԱՊԵՐՃ  
ՄԱՆՆԻԿ ՕՐԻՈՐԳԻ

ԹՕԳԱԹԼԵԱՆ

ԵՐԱԽՏԱՊԱՐՏ ՄՐՏԻ ԼՈՒԻԷ

ՏԻԳՐԱՆ Գ. ԳԱՓԱՄԱՆԵԱՆ

2379  
x 40



### ՎԻՅՏ ԻՄ

Տաժանաչատ է իմ կորուստ աննման  
 Իմ Ախրալի «Մաննիկ» որդւոյս բաժանման  
 Բախճա՞ն, ցնծո՞ւմ հեռի յինէն, յար ի սուգ  
 Ո՞վ Տէր, մինչ ցե՞րբ իմոյ աչացս արտասուք  
 Իհւծեալ ողւով ազազակեմ տո՛ւր ժպիտ  
 Հրայրք, թախիծ լեսուն զիմ սիրտ անքթիք  
 Իսկ զիմ որդի յերկինս առ քեզ է օժիտ :

Տէ՛ր սիրտիանք, լե՛ր օժանդակ ազախնույզ  
 Ի քեւ ցնծալ, արզանատիլ չնորհօք բոյզ  
 Կենցաղօգոտ արա՛ եւ զիս, միշտ անքոյթ  
 Ի՞րր կամիս հառաչանացս կեալ անխոյթ  
 Ներեա՛ ինձ Տէ՛ր, զի յոյժ կարօտ եմ զթոյզ :



### ՓԱՌՔ ԻՄ

«Ման իմացեալ անմահութիւն է» պատգամ  
 Աստուածային ներշնչութեան միանգամ

Նանիր զաշխարհ՝ թողուլ ցաւոց կայարան  
 Նախահրաման եղեւ առ մարդն Աղիւնեան  
 Ի նոյն եւ ես անկեալ յուղի երկնատար  
 Կենաց ի կեանքս ընթանամ սրավար

Թաղ ինձ տուաւ ի Սերովսէն Անեղին  
 Օրհնակից զոլ ընդ երկնայնոցս իմբն

Գործ աշխարհիս ունայնութիւն է բոլոր  
 Ամեն վայելք եւ ինդութիւնք թիւնաւոր

Թախիծն է միշտ արտասանման անդանօր  
 Լոկ կեանք լոկ վատք անմահութիւնք է բոլոր

Եկի ես աստ, ա՛հա մնամ երկնաճեմ

Աստ Աստուծոյ եւ զուարթնոց եմ ընդ դէմ  
 Նման ծաղկի եւ սիրելւոյ, որ եսն եմ :

**ԷՉՆՈՒՆՓԵՅՆ**

**ՏԻՐՈՒՀԻ ՏԻՄՆ ՔՕԿԱՌՆԵԱՆ**

Աշխարհիս վիշտերն ու դառնութիւններն բազմա-  
դիմի լինելով՝ երբ մարդս նոցա միայն ենթարկի, իս-  
կոյն կ'յուսանասի և մորմոքելով կ'տուարտի, և  
համարեա՛րքե ամեն պարագայից մեջ զինքը անմխի-  
բար կ'տեսնէ, սաի մարդկային բնութեան տկար ար-  
դիւնքն է րեպետ. սակայն նայնց յուսադրող առար-  
կայներն ալ չեն պակսիր մեզնէ :

Երբ մեն մի ուշադրութիւն դարձնենք մեր սուրբ  
հարց գործոց և նոցա բազմազարգար նահատակու-  
րեանցը՝ անշուշտ պիտի գտնենք նոցա մեջ մեր վըշ-  
տաց մխիթարութիւնը, մեր ցառոց դարձանը և մեր  
ամեն տեսակ վիրաց սպեղանին. քանզի չ'կայ աշ-  
խարհիս վրայ տառապանք և նեղութիւնք որք նախ-  
նիր ենթակայ եղած՝ համբերութեամբ և սիրով տա-  
րած չ'լինին :

Եւ անա սոյն նպատակաւ. ի յոյս կ'ընծայեմ դուզ-  
նաբեայ աշխատութիւնս, զոր Ձեր խորապայ ժամե-  
րուն ընթեռնելով՝ սրբոց Վարդանանց և Գ. Եւանդեանց  
նահատակութիւնքն, Ձեր վիշտերը չափաւորէր, և  
Ձեր ցառերն բռնէր, որով կարող լինիր խնամե-  
լու Ձեր նորաբողոք գաւակունքն ի մխիթարութիւն  
և ի պոփանս բարեժնուելոյ ԳԵՐԴԱՍՏԱՆԻՈՅԿ :

**ՏԻՐԱՆ Գ. ԶՈՓԵՏՆՆԵՆ**

1875 Կ Պօլիս յԵսկիւտար



# ՄԵԾԻՆ ՎԱՐԴԱՆԱՅ



ՔՐԻՍՏՈՍԻ 435 թուականին Արշակունե-  
 եաց ցեղին թագաւորութիւնը՝ Արտաշիր Գ. թա-  
 գաւորին երիտասարդական մոլութեանց և զա-  
 նազան տեսակ անկարգութեանց պատճառաւ  
 վերջացաւ, նոյն ժամանակ Վռամ պարսից թա-  
 գաւորը Վեհմիհրչապուհ անունով Պարսից մարզ-  
 պան (գաւառակալ) մի յուղարկեց Հայաստան  
 որ կառավարէ. թէպէտ Վեհմիհրչապուհոյ  
 մարզպանութեան ժամանակը Հայաստանը խա-  
 ղաղ և հանգիստ էր:

Սակայն երբ Վռամ Պարսից թագաւորն  
 մեռնելով նորա որդին Յազկերտ Բ. յաջորդեց  
 այն ժամանակ Հայաստանին հանգիստն ու խա-  
 ղազուլութիւնը բոլորովին տակն ու վրայ ըրաւ,  
 որովհետև Յունաց դէմ պատերազմի ելնելով  
 և նոցա յաղթելով, և նաև ուրիշ կողմերն ալ ու-  
 նեցած պատերազմներն յաջողութեամբ վերջա-  
 ցնելով՝ այն աստիճան հպարտացաւ որ, յանդգ-  
 նեցաւ կրօնի դէմ ևս պատերազմ բանալ, և



ԳՆՆ ՄԱՍԻՆ ԳՆՆ

ՄԵԾԻՆ

ՎԱՐԴԱՆԱՅ

ՄԵԾԻՆ ԳՆՆ

Քրիստոնէութիւնն աշխարհիս երեսէն բողոքովն շնչել կը մտածէր :

Յազկերտին՝ այս խորհուրդն ՚ի գործ դնելու յորդորողներուն գլխաւորը՝ Պարսից մագրէն զատ՝ Միհրնբերէհ Պարսից տէրութեան հազարապետն էր , որն որ արդէն ՚ի վաղուց առիթ կը փնտուէր Քրիստոնէից դէմ հալածանք հանելու և զանոնք պարսից ալանդը դարձնելու . բայց Յունաց կայսրմէ երկնչելով իւր խորհուրդըն ՚ի գործ դնելու չէր համարձակեր , իսկ հիմա Պարսից՝ Յունաց վրայ ըրած յազթութենէն համարձակութիւն առնելով , և նաև Սիւնեաց ցեղէն Վարազվազան անունով՝ ուրացեալ նախարարէ մը գրգռուելով , զթագաւորը յորդորեց որ իւր իշխանութեան ներքև եղող Քրիստոնեաները պարսից ալանդը դարձնէ , որպէս զի ասով Սասունացիներուն քեզի տուած այնչափ յազթութեանց փոխարէն հաճոյական գործք մը ըրած լինիս , ասաւ : Յազկերտ անմիջապէս ամէն պարսիկ իշխաններուն ու մագպետներուն հետ խորհուրդ արաւ թէ ի՞նչ եղանակաւ այս բանս սկսին ու կատարեն , և որոշուեցաւ որ թագաւորը Հոնաց դէմ պատերազմ բանայ . և բոլոր իւր իշխանութեան ներքև եղող Քրիստոնեաներէն ալ զօրք ժողոված՝ իւրեանց իշխաններովը

միատեղ պատերազմի տանի , որպէս զի իշխաններն ու զօրքը հեռանալով՝ մնացած ժողովուրդը կարող չըլինի իւր հրամանին դէմ դնել : Եւտ մը ամէն կողմ հրովարտակներ ուղարկուեցան , որ ամէն իշխան իւր զօրքն առած Պարսկաստան գայ , այս հրովարտակը Հայաստան ալ գալով՝ նախարարները զօրքերնին առին Յազկերտին գացին , որոնց հետ Պարսից զօրքն ալ միացած՝ Հոնաց վերայ գացին , և երկու տարի շարունակ պատերազմեցան , բայց բան մը չկրցան ընել : Պատերազմին վերջանալէն զինի Յազկերտ ամէն ազգաց զօրքերը տեղերնին ուղարկեց , և անոնցմէ ուրիշ զօրք բերել տուաւ այսպէս եօթը տարի շարունակեց . և եօթը տարուան միջոցին մէջ իւր քովն եղող քրիստոնեայ նախարարներուն ստակ , պատիւ և իշխանութիւն խոստանալով՝ յորդորեց որ պարսից ազանդը դառնան : Բայց տեսնելով որ նոքա ամենեւին յունձն չեն առնուր , յայտնի հրաման հանեց որ իւր իշխանութեան ներքև եղող քրիստոնեայք հաւատքնին թողուն և արեղական ու կրակի երկրպագութիւն ընեն : Բայց իւր քովը եղող քրիստոնեայ զօրքը նորէն Հոնաց դէմ պատերազմի տարաւ , զորոնք ճանապարհին շատ չարչարեց . թոշակնին քիչ տալով , պատուաւոր իշխանները

անարգելով, և զանոնք հեթանոսներուն առջևն անպատիւ ցուցնելով: Պատերազմէն դառնալէն վերջը՝ թող չտուաւ որ նոքա իւրեանց երկիրը երթան. այլ սկսաւ նորէն զանազան տանջանքներով ստիպել որ հաւատքնին ուրանան: Ատոմ Գնունի և Մանածիհր Ռչտունի իշխանները Յաղկերտին արածները տեսնելով՝ զօրքերնին առին և Հայաստան իրխան, բայց Պարսից զօրքն նոցա ետեէն հասաւ ու զամենը ջարդեց, որոնք Քրիստոսի սիրոյն համար առանց դէմ դնելու իրենք զիրենք Պարսից ձեռքը տուին ու մարտիրոս եղան:

Յաղկերտ Հայոց նախարարները Պարսկաստան արդիւլէն զատ՝ Դենչապուհ Պարսիկ իշխանը Հայաստան ուղարկեց. որպէս զի իւր իշխաններէն զրկուած ազգն ալ իւր կամայը խոնարհեցնելու աշխատի: Եկաւ Դենչապուհ դըրսէն խաղաղութիւն ցուցնելով՝ կամաց կամաց սկսաւ Հայաստանին ներքին կապերը քակել, մնացած նախարարներուն մէջ խռովութիւն ձգեց եկեղեցիներու վրայ հարկ դրաւ, կրօնաւորները ցրուեց. հարկերը կրկնապատիկ շատցուց, որպէս զի ասոնցմով Հայաստան տկարացնէ: Բայց երբ որ այս բաներս Հայերը իւրեանց կրօնէն շեղելու բնաւ օգուտ մը չըրին, մոգպետին խոր-

հուրդովը Միհրնբութէն նոցա գլխաւորներուն մի նամակ գրեց. որուն մէջ նախ Պարսից աղանդը մեկնելէ զինի, Քրիստոնէական Սուրբ կրօնի խորհուրդներն իբրև սուտ և անպիտան բաներ կը ցուցնէր, և հրամայեց որ կամ այս նամակին ամէն խօսքերուն մի առ մի պատասխան տան, և կամ ելնեն պարսից դուռը դան:

Ս. Յովսէփ կաթողիկոսն այս նամակն առածին պէս, Հայաստանին եպիսկոպոսներէն 17 երեւելիները, և շատ ալ հոգելից քահանաներ Արտաշատ քաղաքը ժողվեց և նոցա հետ խորհուրդ ընելով՝ նախարարաց հաւանութեամբը Միհրնբութէնին զօրաւոր պատասխան մը գրեց, որուն մէջ պարսից աղանդին ստուծիւնն և քրիստոնէական հաւատքին սուրբ և ճշմարիտ լինելը յայտնի և համարձակ ցոյց տուաւ, և նամակն հետեւեալ խօսքերով վերջացուց:

« Այս սուրբ հաւատքին վրայ մենք ամենքնիս ալ, մեծէն մինչև փոքրը հաստատուն կեցած ենք, և պատրաստ ենք նաև մեր կեանքն ալ տալու »:

Այս պատասխանն երբ որ Յաղկերտին և բոլոր պարսից իշխաններուն առջևը կարդացուեցաւ, թէպէտ և շատերը Հայոց համարձակութեանն և աներկիւղ իւրեանց հաւատքը պատշ-

պաներնուն վրայ զարմացան , բայց թագաւորը սաստիկ կատաղեցաւ , և մոգպետին խորհրդովը Հայ նախարարներուն երևելիներն իրեն կանչեց , որոնք էին Վասակ Սիւնեաց իշխանն , որն որ Վեհմիհրչապուհին տեղ Հայոց մարզպան դրուած էր , Ներչապուհ Արծրունի , Արտակ Ռչտունի , Գաղիշոյ Խոռխոռունի , Վարդան Մամիկոնեան Ս. Սահակին թուը՝ Հայոց սպարապետը , Արտակ Մոկացի , Մանէճ Ապահունի Վահան Ամատունի , Գիտ Վահեւունի և Եմաւուն Անձեւացի :

Սրբա թէպէտ Յագկերտին միտքը դիտէին , բայց որովհետեւ շատերնուն ազգականները Պարսկաստան նեղութեան մէջ էին , յուսալով որ իւրեանց երթալովը կրնան զանոնք ազատել , ուստի ելան դացին , ճամբայ ելնելէն յառաջ Ս. Յովսէփի կաթողիկոսին հաւատքներնուն վրայ հաստատուն կենալու խոստում տուին :

Յագկերտ նոցա սովորական ընդունելութիւնը (\*) չընելէն ՚ի զատ , նոցա հետ յանցաւորի

(\*) Յառաջագոյն սովորութիւն էր որ , երբ Հայոց իշխաններէն մէկը գործքի մը համար պարսկաստան կերթար , պարսից թագաւորն նորա գիմացը մարդ կուղարկեր , թէ Հայաստանին եւ թէ իրեն ինչպէս լինելը կը հարցնէր . նաեւ նորա այն տեղ դայուն համար չնորհակալ կլինէր եւ յառաջագոյն արած ծառայութեանցը համար իրեն գովութիւն կուտար :

պէս վարուեցաւ , և հրամայեց որ երկրորդ օրն իրեն ներկայանան :

Նախարարներն որոշուած ժամանակին պարսից իշխաններուն ու մոգերուն հետ միասին թագաւորին առջևը դացին , որն որ նոցա հետ բարկութեամբ խօսելով՝ ըսաւ , « Եթէ վաղը ինձ հետ արեգական երկրպագութիւն չէք ընել , ամենքնիդ ալ սաստիկ տանջանքներու կը մատնեմ , և ձեր երկիրը անհամար զօրք ուղարկելով՝ ընտանիքնիդ և բոլոր ազգերնիդ կը ջնջեմ » :

Նոքա իւրեանց մինչև նոյն ժամանակն ըրած հաւատարիմ ծառայութիւնները Յագկերտին առջևը դնելով՝ ջանացին նորա բարկութիւնն իջեցնել , բայց երբ տեսան որ զանի բնաւ չիլսէր . իրենք ալ բացայայտ ասացին որ « Մենք մեր Ս. հաւատքը ամենեւին թող չենք տար , ուստի ինչ տանջանք որ կուզես տուր մեզ : Այս պատասխանին վրայ Յագկերտ սաստիկ բարկութեամբ բորբոքած , հրաման տուաւ որ ամէն Հայ նախարարները նախատանօք իւր առջևէն մէկդի տանին . դահճապետին ալ հրամայեց որ զանոնք զգուշութեամբ բանտարկուածի պէս իւրեանց բնակարաններուն մէջ պահէ : Նախարարները շատ ջանացին , և պարսիկ իշխաններուն շատ ստակ տուին որ կարող լինին

ազատիլ ու տեղերնին երթալ. բայց աննոցմէ օգնութիւն մը չդոնեւով՝ իրենք զիրենք Աստուծոյ յանձնեցին և նորա օգնութեանն ապաւինեցան :

Յազկերտ՝ նախարարները պարսկաստան արգիլելով՝ զօրք կը պատրաստէր որ զանոնք հեռու տեղեր քշէ, և Հայաստանի սպառնացած շարիքներն ի գործ դնելու սկսի :

Պարսիկ իշխաններէն մին՝ որն որ ծածուկ Քրիստոնեայ էր, այս բանս լսելուն պէս՝ եկաւ նախարարներուն պատմեց, և նոցա խորհուրդ տուաւ որ առ երեսս թագաւորին կամքը կատարեն, մինչև որ պարսկաստանէն ազատին և իւրեանց երկիրը երթան. և այնուհետև նորէն համարձակ սկսին իւրեանց կրօնը պաշտել, որպէս զի ասով ըսաւ, ձեր ազգն և ընտանիքն ուրացութենէ ազատէք, որոնք առանց իշխանի մնացած, չեն կրնար թագաւորին դէմ դնել, և ի հարկէ պարսից աղանդը կընդունին » :

Ասոր վրայ բոլոր Հայ նախարարները ժողովեցան և Վրաց և Սղուանից իշխաններն ալ կանչելով՝ խորհուրդ ըրին և որոշեցին որ առ երեսս թագաւորին կամքը կատարեն, մինչև որ իւրեանց երկիրը երթան, Վարդան Մամիկոնեան սպարապետն ալ՝ որ ի սկզբան այս ուրա-

ցութեան սաստիկ դէմ կը դնէր. շատ ստիպելով և Աւետարանի վերայ երդում ընելով որ՝ հաւատքնին հաստատուն կը պահեն և միշտ իրեն հետ միաբան կը մնան և իրեն կը հնազանդին. վերջապէս իւրեանց հետ միաբանեցան և անմիջապէս թագաւորին ծանուցին թէ՝ «պատրաստ եմք քու կամքը կատարելու» : Յազկերտ արտաքոյ կարգի ուրախացած՝ շուտ մը ամէն իշխանաց իւրեանց առաջին պատիւը տուաւ, և ամէն մեկուն առատ պարգևներ ալ շնորհեց. և հետեւին դուռնդ մը զօրք և 700 հարիւրէն ալ աւելի մողք ու մէկ մողպետ դրած՝ Հայաստան ուղարկեց, որպէս զի պարսից աղանդը Հայոց սորվեցնեն, պատուէր տուաւ որ ամէն եկեղեցիները կործանեն և կըրակատուններ շինեն, և Քրիստոնէութեան յիշատակը Հայաստանին մէջէն բոլորովին չնջեն բայց Գուգարայ Ս. շուշայ բզեչին և Վասակ Սիւնեաց իշխանին Բաբիկ և Ամիրներսեհ որդիները պատանդի պէս իւր քովը պահեց որպէս զի չլինի թէ նախարարներն իւրեանց խօստուովը չի պահեն :

Իսկ նախարարներուն քովը եղող քահանաներն նոցա ուրացութեան վերայ սաստիկ արտոմած և միանդամայն արդար բարկութեամբ

բորբոքած՝ անոնցմէ բաժնուեցան, և մէջերնէն մէկն իրենցմէ յառաջ Հայաստան ուղարկելով՝ զելութիւնը իմացուցին: Հայաստանին եպիսկոպոսներն ու քահանաները երբ նախարարաց ուրացութիւնը լսեցին՝ խորհուրդ ըրին և որոշեցին որ ամենայն զօրութեամբ նոցա դէմ դրնեն և թող չտան որ Հայաստան մտնեն, ամենին առանց խնայելու ո՛չ աղգականի, ո՛չ եղբոր, ո՛չ հօր, ուստի այս մտքով արք և կանայք զէնք առին, զրահ հաղան և պատրաստուեցան:

Իսկ նախարարները պարսից զօրքին ու մոգերուն հետ նոյեմբեր ամսոյն մէջ Հայաստան հասնելով՝ Անգղ զիւղը բանակեցան և ամի մը չափ հանդիստ կենալէն վերջը, կիրակի օր մը մոգպետը մոգերուն հետ եկեղեցի դնաց և կուզէր կործանել: Ս. Աէոնդ քահանան՝ որն որ ուրիշ շատ եկեղեցականներով՝ նոյն եկեղեցւոյն մէջ պաշտօն կը կատարէր, մոգերուն դէմ ելաւ և թող չտուաւ. ժողովուրդն ալ հաստ գաւազաններով նոցա վերայ յարձակեցան և լաւ մը ծեծելով և դլուխնին պատռելով՝ արտաքսեցին: Սորա վերայ մոգպետը զարհուրեցաւ. և Հայոց հաւատքին հաստատութեան փորձն աչքովը տեսնելով՝ զանոնք մոլորեցնելէն

բոլորովին յոյսը կտրեց. ուստի Վասակ Մարգպանն իրեն կանչելով՝ սաստիկ յանդիմանութիւն մը տալէն վերջն, ըսաւ, Եթէ դու ալ մեր կրօնն ընդունիլ չես ուզեր, բացայայտ աւսէ, ես մեծ մոգպետին ու Միհրներսեհին կը դրեմ որ թագաւորը համոզեն՝ զձեզ ձեր հաւատքին մէջ թողնելու. որպէս զի ձեր երկիրը չ'ապականի և հարկերը չ'պակսին:

Բայց անօրէն Վասակն՝ որ փառասիրութեան և իւր Պարսկաստան մնացած որդւոցը սիրոյն համար հաւատքը սրտանց ուրացած էր. մոգպետը շատ խօսքերով հանդարտեցնելու ջանաց, և Սիւնեաց նահանգէն շատ զօրք ժողովելով՝ իւր բանակը զօրացուց. և որպէս զի կարող լինի թագաւորին հրամանը բռնի կատարել տալ. սկսաւ ոմանց դրամով և ոմանց ալ պատիւներ ու պարգեւներ տալով իւր կողմը շահիլ. և իւր չարագոյն նպատակին շուտով հասնելու համար նախարարաց տները մոգեր բաժանեց:

Եպիսկոպոսները երբոր Վասակին արած աղգակործան գործքերը տեսան, ճարտարութեամբ մը Հայոց բանակին ուրացեալներն և հաւատքնին պահպանելն իրարմէ բաժանեցին. յետոյ խորհուրդի ժողովեցան. և Վարդան

Սպարապետն բոլոր ուխտապահ իշխաններով  
կանչեցին և ասացին . « Թէ որ Վասակին ա-  
րածներուն դուք ալ հաւանութիւն ունիք , նախ  
զմեղ սպանեցէք և յետոյ ուղղածնիդ արէք .  
իսկ եթէ հաւանութիւն չունիք , շուտով նորա  
չարութեանց վրէժն առէք » :

Նախարարներն միաբերան Աստուած վկայ  
կանչելով հաստատեցին որ իրենք նորա արած-  
ներուն ամենեւին հաւանութիւն չունին . և ան-  
միջապէս պատրաստուեցան որ ուրացեալներուն  
վերայ երթան և նոցա արած չարութիւններուն  
վերջ տան : Մէջերնին Չանգազան անուհով սե-  
պուհ մը իրենց հետ միաբանիլ չուզելուն հա-  
մար բռնեցին քարկոծեցին , որն որ ամենուն  
վրայ մեծ ազդեցութիւն տրաւ : Ասկէ վերջն  
երեք գունդ բաժնուած . մէկը գէպ 'ի Սրեւելք .  
միւսը Սրեւման կողմն , իսկ երրորդը գէպ 'ի  
Հիւսիս քաղեց . որոնք Վասակին բանակը մէ-  
ջերնին առին ու սաստիկ ջարդեցին . շատ երե-  
ւելի իշխաններ ալ ձերբակալելով բերդերու մէջ  
արդիւնեցին . նոյնպէս Վասակն ալ բռնեցին ,  
բայց զանի եպիսկոպոսաց ոտքն իյնալով երդ-  
մամբ խոստացաւ որ ա'լ այնուհետեւ հաւատքի  
դէմ չ'զինիր և քրիստոնէութիւնը հաստատուն  
կը պահէ . այս խոստմանը համար ազատ թող

տրուեցաւ Վասակին դունդը ջրուելէն վերջը .  
նախարարներուն զօրքը պարսից բռնած Հայաս-  
տանի բերդերուն վրայ գացին , և զանոնք առ-  
նելով մէջինները սրէ անցուցին . ամէն կողմի  
մոգերուն կէս մը ջարդեցին , կէս մը փախու-  
ցին և կրակատունները կործանեցին . և այս ա-  
մէն պատերազմներու մէջ Աստուած ալ իւր օգ-  
նութիւնը Հայոց գնդին վերայ յայանի կը ցու-  
ցընէր . մինչև անգամ մը երկու թշնամեաց  
բերդ նոցա առջևը յանկարծ կործանեց . որով  
այն կողմի կրակապաշտ բնակիչները՝ իւրեանց  
ձեռամբ կրակատունները այրեցին և քրիստո-  
նեայ եղան :

Հայաստան իւր բարեպաշտ իշխաններուն  
քաջութեամբ կռապաշտութեան դէմ յաղթու-  
թիւններ կատարած ժամանակ , Հոնաց կողմն  
եղող պարսից զօրքն իւրեանց Սերուխոս զօրա-  
պետին հետ Աղուանից երկիրն արշաւեցին , և  
սկսան եկեղեցիները կործանել , և շատ մար-  
դիկ բռնութեամբ իւրեանց աղանդը դարձու-  
ցին : Աղուաններն՝ որոնք տկար ազգ մը լինե-  
լով՝ չէին կրնար Պարսից դէմ դնել . անմիջապէս  
իւրեանց տէրութեան հազարապետն և եպիս-  
կոպոս մը Հայաստան ուղարկեցին և եղելու-  
թիւնը իմացուցին : Հայոց իշխաններն այս բա-

ներս լսելով՝ նոցա խորհուրդ տուին որ քիչ մը ժամանակ Պարսիկները խաղցնեն մինչև որ իւրենք հնարք մը գտնեն՝ և մէջերնին ժողովք ընելով՝ Գնունեաց Ատոմ իշխանը՝ Ս. Յովսէփ կաթուղիկոսին և բոլոր Հայոց եպիսկոպոսներուն և իշխաններուն կողմանէ գրուած նամակով մը Թէոդոս կայսեր ուղարկեցին . որուն մէջ Պարսից չարութիւններն և իւրեանց մինչև նոյն ժամանակն նոցա դէմ ըրածները պատմելէն զինի , կ'աղաչէին որ ինքն ալ իւրեանց օգնէ . և թող չ'տայ որ եկեղեցիները հեթանոսներէն անարդուին և քրիստոնէութիւնը ջնջուի : Այս նամակին ամէն Հայ իշխանները՝ նաև Վասակ Սիւնեաց իշխանն ալ իրենց կնիքը կոխած էին :

Թէոդոս Կայսրը՝ Հայոց նամակը կարդալով՝ յօժարեցաւ նոցա օգնութիւն ուղարկել . բայց գեռ պատրաստութիւն տեսած ժամանակն՝ իւր կենաց վերջը հասաւ , որով աւերեցաւ : Վասն զի իւր յաջորդը Մարկիանոս՝ իւր զորապետներուն խորհուրդովը Պարսից հետ դաշինք դրաւ և Հայոց օգնելէն բոլորովին ետ կեցաւ :

Հայերը թէպէտ և այս կողմանէ ունեցած յոյսերնին ալ ՚ի դերև ելաւ . ամենևին չ'լքան , այլ Աստուծոյ օգնութեանն ապաւինած իրենց

զօրքն երեք դունդ բաժանելով՝ առաջինը Ներշապուհ Արծրունի իշխանին յանձնեցին և Ստրպատականի կողմը ուղարկեցին որ Հայաստանին սահմանը պահպանէ . և պարսից ներս յարձակին արդիւն . երկրորդ դունդը Վարդան սպարապետին հետ Ս. զուանք յարձակող Պարսից վերայ ուղարկեցին . իսկ երրորդը Վասակ Սիւնիին ձեռքը յանձնեցին : Վասակ՝ որն որ բոլոր սրտով Պարսից աղանդն ընդունած էր , թէպէտ և երեսանց ինքըզինքը քրիստոնէայ կը ցուցնէր . իւր մտքին համաձայն նախարարներն իւր քովը պահեց . և անմիջապէս Պարսից զորապետին մարդ ուղարկելով ըսաւ , թէ Ս. հաւասիկ Հայոց դունդն երեքի բաժանեցի . մէկն իմ իշխանութեանս ներքև է . որուն թող չեմ տար ձեզի մնաս ընելու . երկրորդն Ստրպատականին սահմանը հեռացուցի . իսկ երրորդը՝ զոյն որ Վարդան հետն առաւ քու վրադ , փոքրիկ և սակաւաթիւ դունդ մ'է , ամենևին մի՛ վախնար . դիմացն ել և անտարակոյս կը յաղթես :

Սերուխտ Պարսից զորապետը՝ Վասակին այս խօսքերէն քաջալերուած՝ զօրքն առաւ և Կուր գետէն այս կողմ անցնելով՝ մինչև Խաղխաղ քաղքին առջևը յառաջացաւ . այն տեղ



Վարդանին զորացը պատահելով՝ նոցա դիմացը  
 ճակատեցաւ : Վարդան Սպարապետն ալ իւր  
 զօրքը թշնամուոյն դիմացը շարեց . բանակին ալ  
 թեւն Սրշաւիւր Կամսարականին տուաւ . և նորա  
 օգնական Ռիմաքսեան Մուշսեպուհը , ձախ թիւին  
 վերայ դրաւ Խորէն Խուխուռնին . որուն օգնական  
 տուաւ Հմայեակ Ռիմաքսեանն . իսկ ինքը բա-  
 նակին կեդրոնը կեցաւ : Զարնուելու նշանը  
 տրուածին պէս՝ Հայերը սաստիկ քաջութեամբ  
 թշնամուոյն վերայ յարձակեցան , շատերը ջար-  
 դեցին . մնացածը ցրուեցին և մինչև դետը հա-  
 լածելով՝ նոցա մեծ մասը ջրին մղեցին ու խեղ-  
 դեցին : Սմենէն աւելի Սրշաւիւր Կամսարա-  
 կանն և նորա օգնական Մուշսեպուհն այս պա-  
 տերազմին մէջ քաջութեամբ կուռեցան . որոնք  
 թշնամիներէն շատ մարդ ձեռքովին սպանե-  
 ցին . բայց զանոնք հալածելու ժամանակնին  
 ճախճախուտ տեղ մը պատահելով՝ ձիերնին  
 աղմկն մէջ մտան , և չկարողացան յառաջ եր-  
 թալ , նոյն միջոցին թշնամիք վրանին հասնելով ,  
 Մուշսեպուհը զարկին սպանեցին . (\*) իսկ Սրշա-

(\*) Եզիչէ ժամանակակից պատմիչը որ շատ բանե-  
 րու ակնատես եղած է , կ'պատմէ թէ՛ այս ամէն  
 պատերազմաց մէջ Հայոց կողմէն Մուշսեպուհէն ի  
 գատ ամենեւին մի մարդ չը մնուաւ :

ւիր ձիէն վար ցատկելով՝ նոցա վերայ յարձա-  
 կեցաւ և շատերը սպանեց . որոնց մէջ նաեւ  
 Վուրի քաջ իշխանը՝ Լիւնաց թագաւորին եղ-  
 բայրն , և մնացածը փախուց : Նոյն ժամանակը  
 Վարդան սպարապետը տեսաւ որ քանի մը պար-  
 սիկ իշխաններ գետին վրայէն նաւով կը փախ-  
 չին , անմիջապէս Սրշաւիւր Կամսարականն ե-  
 տուէն ուղարկեց , որ գնաց գետեզերքէն ամէն  
 նաւալարներն և իշխանները զարկաւ սպաննեց :  
 Պարսիկներն այսպէս չարաչար յաղթուելով՝  
 կենդանի մնացողներն ալ անտառներու մէջ և  
 լեռներու վրայ փախան , որոնց ամէնն ալ Հայոց  
 զօրքերը բռնեցին և սպանեցին , այնպէս որ նո-  
 ցա գունդը բոլորովին ջնջուեցաւ , և հազիւ թէ  
 մէկ հոգի ձիով գետէն անցնելով՝ կարողացաւ  
 իրենց բուն բանակն երթալ և իրենց պատահած  
 դժբաղդութեան գոյժը տալ :

Սակէ վերջը Հայոց զօրքը Պարսից բանա-  
 կին հարուստ աւարները ժողովեցին և Կուր գե-  
 տէն անդին անցնելով՝ Ս. զուանից ամէն բեր-  
 դերը՝ զրոնք Պարսիկները բռնած էին պատե-  
 բազմաւ առին . բոլոր մոզերը ջարդեցին և կը-  
 րակատուները կործանեցին : Ս. զուանից նա-  
 խարարներն՝ որոնք ամուր լեռներու վրայ փա-  
 խած էին , Հայոց զօրքին ըրած յաղթութիւն .

ները տեսնելով՝ եկան նոցա հետ միացան և միաբան ձորայ պահակը(\*) գացին կործանեցին, և Հոնաց և նոցա սահմանակից ազգերուն հետ դաշինք դրին որ իրենք ալ Պարսից դէմ ելնեն և Հայոց օգնեն:

Վասակ Սիւնեաց իշխանը Վարդանին Սղուանից երկիրն ըրած յազթութեան վերայ ամենին տեղեկութիւն չունենալով, սկսաւ նորէն իւր սրտին մէջ ծածկուած շարութիւնը յայտնել և Հայաստան տակն ու վրայ ընել: Ետ ամուր բերդեր կործանեց, գեղերն այրեց, ուխտապահ նախարարաց ընտանիքը բռնեց իւր երկրին (Սիւնեաց) բերդերուն մէջ դրաւ: Այս ամէն գոյժը Հայերն անմիջապէս Վարդան Սպարապետին հասցուցին և նորա ծանուցին որ Վասակին հետ շատ ուրիշ նախարարներ ալ միաբանած են և եկեղեցիներն անդամ կը քանդեն: Իսկ Ստրպատականի կողմն ելող զօրքն ուխտապահներուն հետ միաբան է:

Վարդան առանց խռովելու շուտ մը զօրքը

(\*) Ասի կովկաս լեռանց կիրճերուն մէջ շինուած սասակի ամուր բերդ մ' էր՝ որ պարսից թագաւորը շինել անուած էր, Հոնաց պարսկաստան յարձակին արդիւնու համար:

ժողովեց ու համբայ ելաւ և երկու օրուան մէջ Հայաստան հասաւ. այն ժամանակն՝ որ Վասակ Հայոց դնդին Սղուանից երկիրն ըրածներուն լուրն առած լինելով սատիկ չփութութեան մէջ ինկած էր, որ երբ Վարդանին գալն ալ լսեց, ամէն բռնած գերիներն և յափշտակած հարստութիւնները թողնելով գիշերանց փախաւ, իւր երկիրը դնաց: Բայց որովհետև ձմեռը հասած էր և Վարդան բաւական պաշար չունենալով չէր կարող բոլոր զօրքը միատեղ պահել, ուստի նոցա մեծ մասը տեղերնին ուղարկեց. և Երամայից որ գարնան նորէն իւր քովը ժողովին: Իսկ քովը պահած զօրքն շատ գնդեր Սիւնեաց երկիրը ուղարկեց, որոնք շատ տեղեր ասպատակեցին և արացեալները այնչափ նեղը ձգեցին՝ որ ւերիչ կերակուր չը կրնալով գտնել, սատկած իշու և ձիւ միս սկսան ուտել: Եղիսկոպոսներն երբոր այս խեղճութիւնները տեսան, ժողովրդեան պատուէր տուին որ բոլոր Բաղոց ամիսը պահք պահեն և Աստուծոյ աղաչեն որ իրենց սղորմի և օգնէ: Եւ որպէս զի Պարսից թագաւորին սիրան ալ շարժեն որ ըրած շարքներէն ետ կենայ՝ գերի բռնուած պարսիկ մը առջևնին կանչեցին և ելած փառաներն ու Վասակին ըրածները՝ նորա

մի առ մի պատմելով՝ Պարսկաստան ուղարկեցին որ երթայ Յագկերտին առջևը դնէ:

Յագկերտ երբ որ այս մարդէն Հայաստանին խեղճ վիճակն իմացաւ, առերեսս փոքր ինչ փոխուիլ ցուցուց, և անմիջապէս ամէն շարձարանքի մէջ եղող քրիստոնեայններն ազատեց և հրաման տուաւ որ՝ իւրեանց կրօնը համարձակ պաշտեն. քահանաներուն պատուէր ուղարկեց որ եկեղեցիներուն մէջ իւրեանց պաշտօնն անխափան կատարեն:

Հայաստան ալ հրովարտակ մը ուղարկեց և ամենուն ընդհանուր թողութիւն և քրիստոնեութեան կատարեալ ազատութիւն տուաւ: Այս ամէն բաներուն վախճանը Հայերը հանդարտեցնել էր, որպէս զի այնուհետև կարող լինի դիւրութեամբ իւր կամքը կատարել: Բայց երբ տեսաւ որ այսպիսի խաբէական խոստամունքներով ու շնորհքներով նորա չխաբուեցան և հաստատուն կեցան, այն ժամանակ վերջին փորձի ձեռնամուխ եղաւ. այսինքն զինու զօրութեամբ ուղեց զՀայերն նուաճել, և իւր կամքը բռնի կատարել տալ. ուստի այս նպատակաւ մի մեծ բանակ և շատ փղեր պատրաստել տուաւ՝ և նոցա վրայ Միհրնեբսեհ իշխանը զօրապետ դրնելով Հայաստան ուղարկեց:

Եկաւ Միհրնեբսեհ Փայտակարան քաղաքը բանակը գրաւ, և զՎասակ իրեն կանչելով բոլոր գործքն նորա յանձնեց: Այս անօրէն իշխանն անմիջապէս նախարարներուն մէջէն իրեն կողմն եղողներն իւրեանց զօրքովը քովը ժողովեց, որոց գլխաւորներն էին, Տիրոց Բազրատունի, Արտակ Ռշտունի, Գագիչոյ Խոսխոտունի, Գիտ Վահեհունի, Մանէճ Ապահունի, Արտէն Գարեղեան, Ներսեհ Ուրծացի, Ընգիւղ Ակէացի, Վարազշապուհ Պալունի և ասոնցմէ զատ շատ ուրիշ իշխաններ ու սնտուհներ: Բոլոր Միւնեաց նահանգի բնակիչները Պարսից աղանդը դարձուց և անոնցմէ մեծ դունդ ժողովեց: Այս բաներս ընելէն վերջը՝ ամէն կողմ նամակներ ուղարկեց և ստույթեամբ ամենուն հրատարակեց, որ թագաւորը քրիստոնէութեան ազատութիւն շնորհեց. քանի մը շար և անպիտան քահանաներու ձեռքով ալ միամիտ ժողովուրդը խաբեց: Եւ որպէս զի Հոնք կարող չըլլան Հայոց օղնել, նոցա սահմանն անհամար Պարսիկ զօրքերէն ուղարկել տուաւ, Միհրնեբսեհին ալ Վարդանին զօրութեանը վերայ ճիշդ տեղեկութիւն տուաւ, որն որ ամէն բան իմանալէն զինի՝ իւր զօրքը Մուշկան Նիսալաւորտ իշխանին յանձնելով

Հայոց վերայ ուղարկեց :

Իսկ Վարդան Ս. զորապետը՝ թէպէտև թշնամոյն ահագին զօրութիւնն և իւր տկարութիւնն կը տեսնէր, բայց բոլոր յոյսն Աստուծոյ վերայ դրած լինելով՝ պատրաստուեցաւ որ նոյա գէնն ելնէ :

Ուտի իրեն հետ միաբանած նախարարներն և զօրքը, որոնց թիւը 66000 էր, Արտաշատ քաղաքը ժողովեց, և ուրացեալ նախարարներուն փոխարէն՝ ամէն մեկուն ազգականներէն նոցա ցեղերուն վերայ նոր իշխաններ գրաւ, և անկէ յառաջ՝ առաջ անցնելով՝ Արտաղու գաջաին վերայ բանակը կեցուց :

Այնտեղ եկան նաև Ա. Յովսէփ կաթողիկոսն և Ս. Ղևոնդ քահանան ուրիշ շատ քահանաներով և եկեղեցականներով՝ որպէս զի իրենք ալ այս հոգևոր պատերազմին գործակից լինին : Ա. Վարդան Ապարապետը զօրքը կարգի գնելէն յետոյ՝ նոցա յորդորական խօսք մը խօսեցաւ, որ Աստուծոյ սիրոյն և իւրեանց հաւատքին պաշտպանութեան համար քաջութեամբ պատերազմին, և նոյա առաառ ռոճիկ բաժնելով կ'ուրախացնէր :

Նոյն ժամանակը յանկարծ լուր հասաւ թէ Պարսից զօրքը Հեր և Զարհանդ գտառնէրը

հասեր բանակինն դրեր են. և անոնցմէ շատ ասպատակ գնդեր տողին անդին կերթան աւար կանուռն և կապականեն : Վարդան անմիջապէս Սուանձար Ամատունի քաջ սեպուհը 2000 զօրքով ասպատակներուն վերայ ուղարկեց, որ և գնաց քաջութեամբ զարկաւ. անոնցմէ շատերը ջարդեց. և մնացածն իւրեանց բուն բանակն փախուց և ինքը յաղթանակաւեռ գարձաւ : Ս.յս փոքր յաղթութեան վերայ Հայոց զօրքն աւելի ևս հոգի առին, արիւոյան և աներկիւղ պատերազմելու պատրաստուեցան :

Միաբանեալ նախարարաց տեսած պատրաստութիւնը՝ Վասակին և Պարսից զօրապետին սիրաբերկիւղ ձգեց, նորա համար սկսան նորէն խաբէական խոստմունքներու ձեռնարկել, որպէս զի զանոնք իրարմէ բաժանեն և զիրաւ յաղթեն. բայց երբ տեսան թէ նախարարներն իւրեանց խօսքերուն չեն լսեր, այն ժամանակ իրենք ալ բոլոր զօրութիւննին ՚ի մի ամփոփելով նոյա վերայ քաշեցին : Պատերազմին առաջի իրիկունը Ս. Ղևոնդ՝ Ս. Յովսէփ կաթողիկոսին հրամանաւը՝ զօրաց հոգելից ճառ մը խօսեցաւ, և հետեւեալ առաւօտուն պատարազ մատուցուելով հազարբուեցան և չմկրտուածներն ալ մկրտուեցան : Այնուհետև Սպարապետը նա-

խարարաց հետ խորհուրդ ընելով զօրքը չորս  
 դնդի բաժնեց և Տղմուտ գետին քով թշնամ  
 ւոյն դէմ ճակատեցուց : Առաջին դնդին վերայ  
 զօրապետ դրաւ Ներշապուհ Արծրունին և նո  
 րա օգնական Մոկաց իշխանն և Միհրշապուհ  
 Մարդպետը . և ճակատին կեդրոնը կեցուց .  
 երկրորդ գունդն ալ թեւը դրաւ , որուն զօրա  
 պետութիւնը Խորէն Խոռխոռունիին տուաւ .  
 և նորա օգնական Ներսէհ Քաջ բիրունին ,  
 երրորդ գունդն ալ Թաթուլ Վանանդաշուոյն  
 և նորա օգնական Տաճատ Գնթունին հրամա  
 նին ներքև , պահեստի համար ճակատին ե  
 տելը կեցուց , իսկ ինքն Արշաւիր Վամարա  
 կանին և Փափաք Առաւելենեան իշխաններուն  
 և իւր Համազասպեան եղբօրը հետ՝ չորրորդ  
 գումարտակով ձախ թեւը կեցաւ . որուն դիմացն  
 ուրացեալ Միւնեաց գունդը կեցած էր , և հը  
 րաման տուաւ որ զարնուելու սկսին : Հայոց  
 զօրքը սաստիկ քաջութեամբ իրենցմէ չորեք  
 պատիկ աւելի թշնամւոյն և կատաղի փղերուն  
 վրայ յարձակեցան . և Տղմուտ գետէն անդին  
 անցնելով՝ սկսան զանոնք շարդել : Նոյն ժա  
 մանակը Վարդան Սպարապետը տեսաւ որ ձախ  
 թեւը տկարանալու սկսեր է . անմիջապէս բոլոր  
 զօրութեամբ նոյն թեւին հետ պատերազմող

Պարսից ալ թեւին վրայ յարձակեցաւ , և զա  
 նիկայ խորտակելով՝ փղերուն ետեւը վախուց ,  
 ասոր վրայ ճակատին կարգը շիտթեցաւ և շա  
 տերն սկսան ցրուիլ ու փախչիլ : Մուշկան Նի  
 սալաւուրտ իւր բանակին քայքայելը տեսնե  
 լով՝ իւր քովը եղող պահեստի զնդերն ու փի  
 ղերն առած Վարդանին վերայ յարձակեցաւ ,  
 և զանիկայ ամէն կողմանէ պաշարեց . ուր Ս  
 Վարդան երկայն ատեն քաջութեամբ բիւրա  
 ւոր թշնամւոյն դէմ պատերազմեէն վերջը  
 զարնուեցաւ ինկաւ , և մարտիրոսութեան պը  
 սակն ընդունեցաւ : Իսկ միւս զնդերը մինչև  
 արևուն մտնելը պատերազմեցան և յաղթու  
 թիւնն անորոշ մնաց . բայց որովհետև սպարա  
 պետին կորսնցուցած էին , և չկար մէկն որ  
 զլուխ լինէր և զանոնք կառավարէր , ուստի  
 գիշեր եղածին պէս սկսան ասդին անդին ցըր  
 ուիլ , և անառիկ բերդերու և ամուր զաւառ  
 ներու մէջ մտան ամրացան :

Այս պատերազմին մէջ նահատակող իշ  
 խաններն են՝ Վարդան Մամիկոնեան սպարա  
 պետէն զատ , Խորէն Խոռխոռունի , Արտակ ,  
 Պալուսի , Տաճատ Գնթունի , Հմայեակ Դիմաք  
 սեան , Ներսէհ Քաջբերունի , Վահան Գնունի ,  
 Արսէն Ընծայեցի , Գարեգին Արուանցդեան և  
 5

իւր երկու եղբայրներն , որ նահատակուողաց թիւն է ընդ ամէնը 1036 հոգի : Իսկ Պարսից կողմէն միայն պատերազմին մէջ 3544 հոգի մեռան , որոնցմէ 9 հոգի մեծ իշխաններ էին :

Մուշկան՝ պատերազմին այսպէս վախճան ունենալուն վրայ շատ տրտմեցաւ և չէր գիտեր թէ ի՞նչ ընէ , բայց Վասակ զինքը քաջալերելով խորհուրդ տուաւ որ ժողովուրդը՝ քրիստոնէութեան ազատութիւն խոստանալով խաբէ և նուաճէ . իսկ բերդերը պատերազմաւ առնու և մէջի զօրքերը հնազանդեցնէ : Պարսիկ զօրապետն այս խորհրդեան անօաց , և զՎասակ հետն առած՝ նախ ամուր բերդի մը վրայ գընաց , ուր որ գունդ մը Հայ զօրք և քահանաներ ապաւինած էին , և սաստիկ պատերազմեցաւ . մէջիններն իրենք զիրենք լաւ պաշտպանելով՝ բան մը չկրցաւ ընել , ուստի նորէն սուտ խոստումներ սկսաւ ընել : Այն ժամանակ Բակ անունով մէկը պարսպին վրայ ելաւ և Վասակին ըրած խաբէութիւններն և փխսներն երեսը զարնելով՝ նոյն գիշերը 700 հոգի հետն առած ելաւ դնաց : Իսկ ներսը մնացողներուն կերակուրը հատնելով անձնատուր եղան , որոնցմէ Վասակ 213 հոգի անմիջապէս սպաննել տուաւ : Բայց Ս. Յովսէփ կաթուղիկոսն և Ս.

Ղևոնդ՝ ուրիշ քանի մը եկեղեցականներու հետ՝ Վասակին ըրածներուն դէմ Յաղկերտին բողոքեցին , նորա համար Մուշկան թող չտուաւ որ զանոնք ալ սպաննեն , այլ երկու սուրբերը ծեծել տալով բռնեց քովը պահեց , իսկ միւսն քահանայները տեղերնին ուղարկեց . նոյնպէս ուրիշ ամուր բերդերն ալ՝ Պարսկաստանէն նոր զօրք բերել տալով՝ սաստիկ պաշարեց և զարկաւ , բայց մէջինները զիրենք լաւ պաշտպանելով՝ ամէն տեղ թշնամւոյն չարաչար յաղթեցին . նոցա մեծ մասը ջարդեցին և մնացածը փախուցին : Ասոր վրայ Վասակ սաստիկ բարկացաւ և սկսաւ բերդ չունեցող տեղերն ասպատակել , գիւղերն այրել , մարդիկները ջարդել ու գերի տանիլ :

Տմորեաց դաւառն ամրացած Հայ նախարարներն այս ամէն շարիքները լսելով՝ ա՛լ չուզեցին անգործ կենալ , այլ զօրքերնին առած գուրս ելան և Պարսից երկիրը յարձակեցան . շատ դաւառներ ասպատակեցին . քաղաքները կողոպտեցին և այրեցին և մարդիկները գերի բռնած իրենց ամրոցները բերին :

Նոյնպէս Խաղտեաց Պարխար լեռներուն վրայ եղող իշխաններն , ուր Հմայեակ Ս. Վարդանին եղբայրը գլուխ եղած՝ ցրուած զինուոր

ները քովը ժողոված էր, երբոր տեսան թէ Պարսիկներն արձակ համարձակ ամէն կողմ կը յարձակին և կըցած տեղերնին կը թալլեն, կայրեն և եկեղեցիները կը կործանեն, իրենք ալ միաբան իրենց ամբուլթիւններէն դուրս ելան և ջրուած պարսիկներէն շատ մարդ սպանեցին. և այս կռիւներուն մէջ միայն Հմայեակ քաջ իշխանը՝ շատ քաջութիւններ ընելէն վերջը զարնուեցաւ և մեռաւ, իսկ միւս զօրքերը փախչող թշնամիներուն ետեւէն ինկան ու հալածեցին և շատ տեղեր ասպատակներէն մարբեցին: Սոր վրայ Պարսիկները վախցան և ապելն անդին յարձակելէ դադրեցան: Իսկ Սրցախի անտառներուն մէջ ապաւինած Հայ զօրքը Հմնաց թագաւորին դեսպան ուղարկեցին և իւրեանց թշուառ վիճակն նորա իմացներով ինդրեցին որ ինքն ալ դրած գալինքին համաձայն Պարսից գէմ ելնէ: Թագաւորն անմիջապէս ահագին բանակ մը կազմեց և յանկարծ Պարսից երկիրն արշաւեց, շատ գաւառներ այրեց, կործանեց և ժողովաւրդը ջարդեց ու դերեց, որով Յագկերտ շատ նեղն ինկաւ ու չբիթթուեցաւ, մանաւանդ երբոր իւր Հայաստանի բանակին կրած մեծ վնասին լարն աւաւ: Աւասի այս ամէն չարեաց շուտով վերջ տալու

համար ըտրը իւր զօրքը և Մուշկան զօրապետը Հայաստանէն հանելով՝ Ստորովիդդ իշխանը մարդրան դրաւ Հայոց վերայ և հրամայեց որ ամենուն հետ սիրով վարուի և երկիրը խաղաղեցնէ:

Եկաւ Ստորովիդդ և Հայոց խաղաղութեան աւետիոր բերաւ եպիսկոպոսներուն և քահանայներուն պատուէր ուղարկեց որ իւրեանց պաշտօնը կատարեն. միայն Ս. Յովսէփ կաթողիկոսը, Ռչտունեաց Սահակ եպիսկոպոսը, Ս. Ղևնդ քահանան և այլ մի քանի քահանայներ չլթայով կապած՝ Յագկերտին ուղարկեց: Հրաման տուաւ որ գոցուած եկեղեցիները բացաին և ամէն մարդ իւր կրօնը համարձակ պաշտէ, բռնութեամբ ուրացածներուն հրամայեց որ նորէն իրենց առաջին հաւատքը դառնան. խոտալաւ ալ որ հարկերը կը թեթեւեցնէ և Հայաստան կեցող պարսից զօրքը քեչցուց:

Սյս ամէն բան տեսնելով վախչող եկեղեցականներն ու աշխարհականներն իւրեանց տեղերը դարձան, իսկ բերդերու մէջ ամրացած կամ հեռու տեղեր գացած նախարարներն երբ տեսան թէ Հայաստան խաղաղեցաւ, Ստորովիդդին իմացուցին որ կուզեն Յագկերտին

երթալ, և նորա հետ Հայաստան կարգի դնելու համար անձամբ խօսիլ և եղած վնասներուն պատճառը նորա իմացնել: Մարզպանն նոցա կողմանէ թագաւորին նամակներ ուղարկեց, և երգմամբ ևս հաստատեց որ ամենեին իրենց վնաս մը չի հասնիր. ասով նախարարները քիչ մը վստահութիւն ունեցան և ելան Յազկերտին գացին: Բայց Վասակ անոնցմէ յառաջ Պարսկաստան երթալով ամէն բան իւր ուղածին պէս պատմեց. որուն թագաւորը պատասխան տուաւ թէ՛ «Երբ քրիստոնեայ իշխաններն ալ հասնին, այն ժամանակ երկու կողմանէ ալ կ'ըսեմ և դատաստան կ'ընեմ»: Աստի երբ իշխանները Պարսից դուռը հասան, Յազկերտ Միհրներսէհին յանձնեց որ ամէն եղելութիւններն և պատահած չարիքներուն պատճառներն լաւ մը քննէ: Միհրներսէհ դատաստանի նստաւ, որուն մէջ վասակին ամէն ըրածներն, այս կողմ և այն կողմ Պարսից դէմ օգնութիւն խնդրելու համար գրած նամակներն խաբէութեամբ այնչափ անմեղներուն մահուան՝ և քաղաքներուն ու գիւղերուն կործանման պատճառ լինելն երևան ելան: Այն ժամանակ թագաւորին հրամանաւը բոլոր պատիւներէն հանուեցաւ և անարգութեամբ մահապարտներուն բանարը

դրուեցաւ, ուր սաստիկ հիւանդութենէ բըռնուելով բոլոր անդամներն լուծուեցան ու իրատեցան, և մարմինն որդնոտեցաւ. և այսպէս չարաչար մահուամբ մեռնելով՝ իւր ազգին հասուցած թշուառութեանց սոսկալի պատիժն ստացաւ:

Իւր անգամ անէ՞՞ այն Հայերուն՝

որ Վասակայ սիրոյ չէ կրին:





# ՆԱՀԱՏԱԿՈՒԹԻՒՆԻ

ՍՐԲՈՑ ՂԵՒՈՆԳԵՍՆՑ

Յագիւերա՛ իւր քօլը եզոյլ ամէն Հայ նախարարներն շղթայով կապել տուաւ, և կապեալ հոգևորականաց հետ Նիւշապուհ քաղաքը բանտարկեց, որոնց երգմամբ խոստացած էր որ ամենեին փրստ չհասնէր: Այս բանիս համար Բէլ անունով քրիստոնեայ Հոն մը շատ տրտմեցաւ և անմիջապէս դնաց Քուշանաց թագաւորին՝ Հայոց Պարսիկներէն կրած նեղութիւնները և նախարարաց թշուառ վիճակը պատմեց, թագաւորը Պարսիցմէ այս ըրած ներնուն վրէժն առնելու համար, նոցա երկիրն արշաւեց. Յագիւերտն զորաց մեծ մասը ջարդեց. շատ դաւառներ ասպատակեց, դերեց ու գերիւիեց, սորա վրայ Պարսից թագաւորը շատ նեղը մտաւ և խորին տրտմութեան մէջ անկաւ: Բայց անօրէն մոգերն նորա տրտմութիւնը փարատելու համար ասացին թէ՛ «ձեզի

պատահած շարեաց պատճառը քրիստոնեայներն են, զորոնք կենդանի պահելովդ աստուածները քեզի դէմ բարկացան և այս պատիժը տուին, ուստի եթէ ձեր մտը գանուող քրիստոնեայներդ մեռցունելու լինիս, աստուածները կը հաշտուին և թշնամիներուն կրնաս յաղթել:

Անօրէն թագաւորն սոցա հաւատարով՛ իւր բանակին մէջ եղող Սամուէլ և Արրահամ քահանայները անմիջապէս նահատակել տուաւ, և Գենշապուհ իշխանը Նիւշապուհ ուղարկեց, որ այն տեղ բանտարկուած քահանայները ըսպաննէ. Գենշապուհ նոյն տեղը հասնելով՝ լսեց որ քաղաքին երեւի մոգպետը Քրիստոնէից վրայ ծագաց երկնաւոր լոյսը տեսնելով քրիստոնեայ եղեր է, շուտով այս գործը թագաւորին իմացուց և նորա հրամանովը դանի հեռու տեղմը քշեց և խոր փոսի մը մէջ նետել տուաւ:

Հուսկ յետոյ բանտարկեալներն որք էին Ս. Յովսէփ կաթողիկոսը, Ս. Սահակ Ռշուանեաց եպիսկոպոսը, Ս. Աւետի, Ս. Մուշէ, Ս. Արսէն, քահանայներն և Քաջալ սարկաւազը, քաղքէն հեռու անապատ տեղ մը տարաւ և ամնջելով նահատակեց:

Եւ որպէս զի քրիստոնեայք նոցա սուրբ

մարմինները չզուլնան , քովերնին պահապաններ դնել տուաւ : Բայց երեք օր վերջը՝ գիշեր ժամանակ , սրբոց մարմնոյն նետուած տեղն ուրտման սարսափելի ձայներ լսուեցան և պահապանք սկսան տանջուիլ . որոնք սարսափած՝ թողին և փախան : Սոցա մէջ ծածուկ քրիստոնեայ մ'ալ լինելով՝ միւսներուն փախչելէն զինի գնաց տանն քրիստոնեայ անձինք ևս կանչեց և նոցա հետ Սրբոց մարմինները ժողովեց , զատ զատ մաքուր պատտառներու մէջ փաթածեց և բերաւ կապուած նախարարաց և այլ քրիստոնէից բաժանեց :

Բայց առաքինի նախարարներն երկայն ժամանակ բանտին վիշտերն Աստուծոյ և քրիստոնէութեան սիրոյն համար համբերութեամբ քաջեցին , մինչև որ Շղոմշապուհ իշխանն նոցա ազնուական բնութեանցը տեղեկանալով և շատ անգամ նոցա հետ անձամբ տեսնուելով շատ սէր կապեց , և հետամուտ լինելով՝ Պարսիկ իշխաններուն միջնորդեց , Յաղկերտը հաւանեցուց և հրաման առաւ որ զանոնք բանտէն ազատէ , և իւրեանց պատիւը նորէն տուաւ . թագաւորական գանձէն ալ ամենուն ոտճիկ կապեց :

Փոքր ժամանակէն վերջը Յաղկերտ զանոնք

առջեւ բերել տուաւ , և սիրով խօսելով՝ խոստացաւ որ ամէն ալ իւրեանց երկիրը ուղարկէ . բայց այս խոստումը դեռ չկատարած ինքը մեռաւ և իրեն յաջորդեց իւր փոքր օրդին Պերոզ , որն որ զանազան պատերազմներու և խուռովութիւններու պատճառաւ հինգ տարի ևս զանոնք Պարսկաստան պահեց , և իւր թագաւորութեան վեցերորդ տարին ամէնը միատեղ պատուով իւրեանց երկիրը ուղարկեց . Ատրվչնասպ Պարսիկ իշխանն ալ Հայոց մարզպան անուանելով նոցա հետ միատեղ Հայաստան ուղարկեց :

Բարեպաշտ նախարարները իւրեանց ցանկալի հայրենիքը զալով՝ բոլորովն փոխուած և թշուառ վիճակի մէջ դտան : Ամէն կողմ կըռապաշտութիւնը՝ ուրացեալ իշխանաց և պարսից մեծերուն ձեռք տարածուած ու հաստատուած էր , իսկ քրիստոնէութիւնը դրեթէ կորսուածի պէս էր : Տնօրէնուողն և ուրացեալ նախարարներն իւրեանց առաջին քաջութենէն թուլայած՝ միայն աշխարհային զբօսանքներու հետ կը ինկնին , այնպէս որ նոյն իսկ Պարսիկներն սկսած էին Հայերը նախատել՝ վատ և անպիտան ազգ անուանելով , այս բաներն առաքինի նախարարաց մեծ ցաւ եղաւ և սկսան

միաբան աշխատիլ և ջանալ որ քրիստոնէութիւնը դարձեալ պայծառացնեն, և մեղկացած ազգին նոր հողի և նոր եռանդ մը տան:



# ԴԻԻՑԱԶՆՈՒԹԻՒՆՔ

Մ Ե Մ Ի Ն Վ Ա Հ Ա Ն Ա Յ



Վահան Մամիկոնեան Ս. Վարդան Սպարապետին Հմայեակ եղբօրը մեծ որդին էր, մանկութեան ժամանակն իւր եղբայրներուն հետ պարսից ձեռքն անկաւ, բայց Գուգարաց Աշուշա բղեջիսին միջնորդութեամբն ազատելով Վրաց երկիրը մեծացաւ, և իւր բարեպաշտ մօրմէն լաւ քրիստոնէի կրթութիւն առաւ: Երբ որ Հայաստանին խռովութիւնները քիչ մը դադրեցան և նախարարները պարսկաստանէն ետ դարձան, Վահան ալ Հայաստան եկաւ և իւր քաջութեամբն ու իմաստութեամբը Պարսից տէրութեան մեծամեծ ծառայութիւններ ընելով՝ ամէն պարսիկ իշխաններուն և նոյն իսկ

Պերոզ Թաղաւորին սիրելի եղաւ: Ուրացեալ նախարարներն՝ որոնք միշտ կը ջանային Քրիստոնէութիւնը ջնջել, Վահանին նախանձելով՝ զանիկայ Թաղաւորին աչքէն հանելու համար վրան ամբաստանութիւն ըրին որ՝ «կը ջանայ Հայերն ապստամբեցնել»: Վահան այս ամբաստանութիւնը ստելու համար ելաւ Պարսկաստան դնաց հաւատքն ուրացաւ և Թաղաւորէն շատ պարզ կներ առած Հայաստան դարձաւ: Բայց նոյն օրէն խղճէն սաստիկ տանջուելով և խորին տրտմութեան մէջ ինկնելով հնարք կը մտածէր որ դարձեալ քրիստոնէութեան դառնայ: Նոյն ժամանակները Վրաց Վախթանկ Թաղաւորը Պարսիցմէ ապստամբեցաւ, և Վրաստան մեծ խռովութեան մէջ ինկաւ: Հայոց բարեպաշտ իշխաններն՝ որոնք նոյն ժամանակը Պարսից զօրքին հետ Աղուանք պատերազմի դացեր էին, այս գործը յարմար առիթ համարելով՝ մտքերնին դրին որ Հայաստան դառնալուն՝ իրենք ալ Պարսից ու զիրենք անարգող ուրացեալներուն դէմ ելնեն և Հայաստանին մէջէն կռապաշտութիւնը բոլորովին ջնջեն, և կամ իրենք ալ իւրեանց հարցն ու հաւերուն նման քրիստոնէութեան համար զոհուին:

Պատերազմը վերջանալէն զինի, եկան Շիրակ գաւառը բանակինն դրին և մէջերնին քանի մը հողի անմիջապէս գացին Վահանին և իւրեանց խորհուրդը յայտնեցին: Վահան ՚ի սկզբան չուզեց նոցա հետ միանալ, բայց երբ տեղեկացաւ որ միայն քրիստոնէութեան պաշտօցանութեան համար կուզեն այս գործին ձեռնամուխ լինել, նոցա հաւանեցաւ, նոյնպէս շատ ուրիշ բարեպաշտ նախարարներ ալ այս խորհուրդը լսելով՝ նոցա հետ միաբանեցան, և խօսքերնին հաստատուն պահելու համար ամէնն ալ Սուրբաբանի վերայ երդում ըրին: Բայց մէջերնին Վարդգապուհ Սմատունի իշխանը զիշերանց դադտուկ Սարվշնասպ մարզպանին գնաց և Հայոց խորհուրդը յայտնեց: Մարդպանն և բոլոր պարսիկ և ուրացեալ Հայ իշխաններն որ Շիրակ գաւառն էին, այս բանէս շատ վախեցան և առաւօտեան կանուխ ելնելով անկէ սկսան փախչիլ:

Միաբանեալ նախարարներն նոցա ետեէն ինկան, բայց չկրցան հասնիլ. միայն նոցա բոլոր ձիւերն և Գագիշոյ Խաւխտունի ուրացեալ իշխանը հասան բունեցին և Գոտին բերին: Վերջը լսեցին որ Սարվշնասպ Մարզպանը իշխաններուն հետ Սրտաշատ քաղաքը գացեր ա-

պաւնիր է. գացին նոյն տեղը պաշարեցին, բայց մէջիններն զիշերանց բերդէն ելան և Սարըրպատականի կողմերը փախան: Այն ատեն նախարարները Սահակ Բագրատունի ասպետը Մարզպան գրին, Վահանն ալ Սպարապետ և Պարոնից հետ պատերազմելու պատրաստուեցան:

**Ե** Ռբայեալ նախարարներն Սարվշնասպին խորհուրդ տուին որ դեռ Հայերը Վրաց հետ չմիացած, և Հոնաց զօրքը՝ զորն որ Վախթանկ բերել պիտ'որ տար, չհասած, ինքն աճապարէ ու Հայոց վրայ երթայ զարնէ, որպէս զի առանց մեծ գոռարութեան կարող ըլլայ անոնց ապստամբութիւնը զրպել և նորէն նուաճել: Մարզպանն առ խորհրդին անոաց և անմիջապէս Ատրպատականին կողմէն 7000 զօրք ժողվելով եկաւ Երասխ գետին եզերքը Նախիջեւանին գիմոցը կեցաւ: Սահակ Բագրատունին և Վահան ասոր լուրն առածնուն պէս, Աստուծոյ ապաւինած՝ քովերնին եղող քիչ որ զօրքէն 400 հողի ընտրեցին, նախարարներէն ալ Վասակ՝ Վահանին եղբայրը, Բարդէն՝ Սուրենայ իշխանն և ուրիշ քանի մը մեծ իշխաններ, և թշնամոյն դէմ խարեցին, որոնք երթալէն յառաջ եկեղեցին մտնելով՝ Աստուծոյ օգնութիւնը լընդրեցին, և առանց վախի ճամբայ ելան ու Վա-

բազմերս գեղը հասան : Հոն լուր աւելն որ  
 թշնամին գեռէն ասդին անցեր է . Վասակ յա-  
 աջապահ գնդին զօրապետն՝ ուղելով անոնց  
 զօրութիւնը լրտեսել, իր գունդն առած՝ գի-  
 շերանց մինչև Առուակք գիւղը յառաջացաւ .  
 բայց առաւօտեան մօտ Ատրվշնասպ ալ իւր  
 զօրքովը յանկարծ նոյն գիւղը գալով՝ Վասակ  
 իւր գնդովը մեծ վտանգի մէջ ինկաւ : Այս  
 քաջ իշխանն իւր զօրքն ազատելու համար Ա-  
 տրվշնասպին մարդ ուղարկեց և ըսաւ որ՝ Հայոց  
 կողմանէ քեզի ուղարկուած եմ հարկաւոր  
 բան մի ասելու համար, որն որ ձեզի շատ օգ-  
 տակար է : Իւր զօրքին ալ հրաման տուաւ  
 որ քիչ քիչ գիւղէն ելնեն և Հայոց բանակն  
 երթան : Նոյն միջոցին ինքը Պարսից բանակն  
 լաւ մը լրտեսեց, և երբ բոլոր իւր զօրքը գիւ-  
 ղէն ելան՝ Ատրվշնասպին խօսելու համար իրեն  
 ուղարկուած Պարսիկներուն ըսաւ, « գիս ձեզի  
 ուղարկող չկայ, ես միայն ձեր զօրութիւնը  
 դիտելու համար եկած էի, և տեսայ որ ամէնք-  
 նիդ ալ վատ ու անպիտան մարդիկներ էք » :  
 Այս ըսելով ձին վազցուց Հայոց բանակն եկաւ  
 և յորդորեց որ թշնամույն բազմութենէն ամե-  
 նեւին չվախնան, այլ քաջութեամբ պատերազմ-  
 մին :

Հայ իշխանները Վասակին խօսքերէն շատ  
 քաջալերուեցան, և խորհուրդ ընելով որոշեցին  
 որ ապահովութեան համար լերանց մօտ տեղ մը  
 կենան, որպէս զի թէ որ յաղթուելու լինին՝  
 լեռներն իւրեանց ապաւէն լինի : Այս նպատա-  
 կաւ Ակոսի գիւղն եկան բանակին գրին : Հե-  
 տեւեալ օրն առաւօտեան Ատուծոյ աղօթքը  
 ներէն և նորա օղնութիւնը ինդրելէն զկնի՝  
 զօրքը չորս գունդ բաժանեցին . առաջին գուն-  
 դը Վասակ Մամիկոնեանին և Բարկէն Սիւնիին  
 հրամանին ներքե՝ ճակատին կեդրոնը կեցաւ .  
 աջ թևն երկրորդ գնդին հետ Ատուճ և Առու-  
 տուճ Գնունի իշխանները կեցան, ձախ թեւին  
 գնդին ալ Քարշոյլ Խոսխոռունին զօրապետ  
 դրուեցաւ . իսկ չորրորդ գունդը Ներսէս ու  
 Հրահատ Ամասրական իշխաններուն հրամա-  
 նին ներքե՝ պահեստի համար ճակատին ետևի  
 կողմը կեցաւ, որպէս զի որ գունդն որ տկա-  
 րանայ՝ նորա օղնութեան հասնի . այսպէս այս  
 փոքրիկ բանակը բարձր տեղոյ մը վրայ բա-  
 նակած պատրաստ կեցաւ :

Պարսիկները և ուրացեալ իշխանները իւ-  
 րեանց զօրքերովը նոյն տեղը գալով՝ երբոր  
 Հայոց սակաւութիւնը տեսան, կարծեցին որ  
 նոքա խելքերնին կորսնցուցած մեռելու եկեր  
 7

են, և անմիջապէս նոցա վերայ յարձակեցան :  
 Նոյն ժամանակը Քարջոյլ ձախ թեկին զօրա-  
 պետն իւր գնդովը թշնամեաց կողմն անցաւ .  
 իսկ մնացած Հայերն սաստիկ քաջութեամբ  
 զարնուելով թշնամեաց շատ փնաս տուին . Ատրը-  
 վշնասպն ալ ուրիշ քանի մը պարսիկ և ուրացեալ  
 իշխաններով զարկին սպանեցին . ասով պար-  
 սից գունդը շիտթեցաւ և սկսաւ ցրուիլ ու  
 փախչիլ, Հայոց զօրքն նոցա ետևէն ինկան և  
 սկսան հալածել : Քարջոյլ Խոռխոռունին իւր  
 գնդովն և ուրիշ պարսից գումարտակով մի  
 Հայոց գնդին ետևի լերան վերայ ելաւ և ու-  
 զեց յանկարծ նոցա ետևն առնուլ, բայց Հայ  
 զինուորներէն մէկը տեսնելով պահեստի գնդին  
 իմացուց, և անմիջապէս Ներսէհ և Հրահատ  
 իւրեանց զօրքին մի մասովն նոցա վերայ  
 յարձակեցան և վանեցին : Պատերազմը կատա-  
 րեալ վերջանալէն զկնի, Առաստոմ Գնունին  
 Սահակ Մարզպանին եկաւ և յաղթութեան ա-  
 ւետիսը տուաւ, այն ատեն Յովհան Մանդա-  
 կունի կաթուղիկոսն՝ ամէն իշխաններն առաւ  
 եկեղեցի տարաւ, և Աստուծոյ շնորհակալու-  
 թեան աղօթք մատոյց. և այնուհետև ամէն  
 մարդ իւր տեղը զնաց ձմեռն անցունելու հա-  
 մար :

Վահան Սպարապետը Վախթանկին դես-  
 պան ուղարկեց որ իւր խոստմանը համեմատ  
 Հոնաց զօրքը բերել տայ, որպէս զի գարնան  
 միաբան պարսիկները զարնեն ու վանեն . զանի  
 խաբէական խօսքերով ժամանակ կ'անցնէր, և  
 վերջը 300 Հոնաց զօրք այս կողմէն և այն կող-  
 մէն ժողովելով Հայաստան ուղարկեց, բայց  
 փոքր ժամանակէն զկնի զանոնք ալ ետ կան-  
 չեց, Սպարապետը Հայոց ուրիշ նախարարնե-  
 րուն ալ հրաւէր ուղարկեց որ դան իրեն հետ  
 միանան և հաւատոյ պաշտպանութեան համար  
 հեթանոսաց դէմն ելնեն, բայց շատերը չի լսե-  
 ցին . միայն Յոհան Անձևացի Սեպուհն և Ներ-  
 սէհ Երուանդունի՝ ուրիշ հաւատացեալ և բա-  
 րեպաշտ մարգիկներով և զինուորներով Վահա-  
 նին հրաւերն ընդունեցան և ելան անոր գալու :  
 Սևուկ Անձևացեաց նախարարն և Յովհան Մո-  
 կաց իշխանն ուղեւով զասոնք արդիլել որ չեր-  
 թան, զօրքերնին առին և նոցա ետևէն հասան .  
 բայց բարեպաշտ իշխաններն նոցա յաղթեցին,  
 զօրքերնուն մեծ մասը ջարդեցին, Յովհան Մո-  
 կաց իշխանն ալ Ներսէհ Երուանդունիէն ըս-  
 պանուեցաւ, և իրենք յաղթանակաւ Սպա-  
 րապետին քովն եկան :

Գարնան՝ Պարսից թագաւորն Ատր Ներ-

սեհ իշխանն անթիւ զօրքով Հայոց վերայ ու-  
 դարկեց, որոնց հետ միացաւ նաև Սիւնեաց  
 Պոպիհան իշխանն ալ իւր զօրքովը: Վահան ալ  
 անմիջապէս իւր զօրքը պատրաստեց և Յովհան  
 կաթողիկոսն ալ հետն առած՝ Հեր ու Չարե-  
 ւանդ գաւառները պարսից դէմ դնաց, որպէս  
 զի այնտեղ զարնուի և չի թողնէ որ նոքա Հա-  
 յաստանի ներսի կողմերն քալեն: Պատերազ-  
 մին առաջին երեկոյեան կաթողիկոսը բոլոր  
 զօրքին Աստուծոյ օգնութիւնը խնդրելու համար  
 մասնաւոր աղօթք ընել տուաւ, և մի յորդո-  
 րական խօսեցաւ: Երկրորդ օրն արեգակը ծա-  
 դածին պէս՝ Սպարապետը զօրքը կարգաւորե-  
 լով թշնամոյն դիմացը ճակատեցուց, կեդրոնը  
 շատ ձիաւորով Սահակ Բագրատունին կեցուց,  
 աջ թևը Բարշղ (Բարսեղ) Վահեւունիին յանձ-  
 նեց, որուն քովն օգնական դրաւ Բաբկէն Սիւ-  
 նի, Ատոմ Գնունի, Փափակ Պալունի իշխան-  
 ներն, ձախ թիկն վրայ ալ Ներսէհ և  
 Հրահատ Ամասրական իշխանները զօրապետը,  
 իսկ ինքը Վրէն Վանադեցւոյն հետ բոլոր ճա-  
 կատին աջ թևը կեցաւ. պատերազմի սկսելէն  
 յառաջ պսպ Սրտակունին ամէն գնդին զօրա-  
 պետներուն ուղարկեց և պատուիրեց որ իրենք  
 կամաց կամաց յառաջ քալեն, մինչև որ ինքն

իւր կողմանէ սկսի զարնուիլ: և երբ տեսնեն  
 թէ իւր կողմի թշնամին տկարանալու կ'սկսի՝  
 իրենք ալ բոլոր զօրութեամբ յարձակին: Բայց  
 Պարսիկներն ամէն կողմանէ միատեղ զարնուիլ  
 սկսելով՝ Հայոց գնդերուն սպասելու չթողնե-  
 լով՝ նոցա ալ թևն ետ մղեցին ու փախուցին:  
 Վահան այս բանս տեսածին պէս իւր օգնա-  
 կանին Վրէն Վանադեցւոյն տուաւ որ աջ թե-  
 ւին օգնութեան հասնի. բայց զանի այլայլած  
 պատասխան տուաւ. «Ս.յս միջոցիս ինձ մի ա-  
 » պաւինիր, վասն զի ես հիմա բան մը չեմ կա-  
 » բող ընել»: Ս.յն ժամանակ Սպարապետն ե-  
 բեռը խաշակնքելով և իւր գնդին առջևն ան-  
 ցած՝ երկու Ամասրական իշխաններուն հետ  
 արծուի պէս թշնամոյն վերայ յարձակեցաւ,  
 որոնք չկրնալով դիմանալ իւրեանց ճակատին  
 կեդրոնը փախան. Վահան այն տեղ ալ ետե-  
 ւէն հասնելով շատերը ջարդեց: Վին իշխանն  
 որն որ իւր գնդովն երկայն ժամանակ քաջու-  
 թեամբ Հայոց դէմ կը դնէր, նիզակով զար-  
 կաւ սպանեց. նոյնպէս Ներսէհ Ամասրական  
 Ատրվշնասպ մեծ իշխանը զարկաւ մեռցուց.  
 ասոնցմէ զատ ուրիշ իշխաններ ալ սպաննուե-  
 ցան. որով Պարսից գունդը շիթթեցաւ և սկսաւ  
 փախչիլ: Վահանին զօրքն ալ սկսան զանոնք

հալածել: Բարչղ Հայոց աջ թեկին զօրապետն երբոր թշնամոյն փախչլը տեսաւ, ինքն ալ իւր ջրուած զօրքը ժողովեց և սկսաւ զանոնք հալածել մինչև որ բոլորովին Հայաստանին սահմաններէն դուրս հանեցին. այնուհետև իրենք թշնամոյն հարուստ աւարները ժողովելով բանակը դարձան: Այս մեծ յաղթութեան ժամանակ Հայոց դնդին ուրիշ մեծ ուրախութիւն մ'ալ ծագեցաւ. որովհետև Վահանին Վարդեղբայրն՝ որ Պարսկաստանի մէջ շղթայով կապուած բանտի մէջ էր, յանկարծ իւրեանց մէջը տեսան: Այս իշխանն Սատուծոյ օգնութեամբը իւր կապանքներէն արձակուած և ամէն իւր ծառայներուն հետ առանց պահապաններուն իմանալուն բանտէն ելած Հայաստան եկած էր: Հայերն Սատուծոյ իրենց ըրած յայտնի օգնութիւններուն համար նորա շնորհակալութեան աղօթքներ և հանդէսներ ընելով Յաղկոտն գաւառը դարձան որ քիչ մը հանդչին:

Նոյն ժամանակը յանկարծ Վախթանկէն դեսպան եկաւ և պատմեց որ Պարսից Միհրան զօրապետն անթիւ զօրքով Վրաց երկիրը յարձակեցաւ, և թագաւորը չկրնալով դէմն ելնել Հայաստանին Սահմանակից լեռները փախաւ ապաւինեցաւ: Որովհետև Հայերը Վրաց հետ

դաշինք դրած էին և Աւետարանի վրայ երդում ընելով խոստացեր էին նոցա օգնելու, ուստի Վահան իւր զօրքն առաւ Վրաստան գնաց և լերանց վրայ բանակը դրաւ: Իսկ Վախթանկ խաբէութեամբ Վահանին ըսաւ թէ Հունաց զօրքն ալ մեզի օգնութեան եկած և դաշտի վրայ բանակած են, և չեն ուզեր լերանց վրայ դալ. ուստի պէտք է որ մենք նոցա քովս երթանք և միաբան թշնամին զարնենք: Սպարապետը թէպէտ Վախթանկին խաբէութիւնները գիտէր, բայց ըրած երդմանը համար այս բանս ալ յանձն առաւ և լեռներէն դաշտն իջաւ, քանի մ'որ ետքը Պարսից անհամար զօրքը Հայոց բանակին մօտենալով Աուր գետին միւս կողմը կեցան: Պատերազմին առաջի երեկոյեան Վահանին քովի իշխաններէն մէկ քանին Միհրանին գաղտնի մարդ ուղարկեցին և խոստացան որ պատերազմի ժամանակը իւրեանց զօրքովս այն կողմն անցնին:

Երկրորդ օրը Վահան իւր դունդը թշնամոյն դիմացը շարեց, ալ թեկին վրայ Բարչղ Վահեւունին և Սատոն Պաբիղեանը հրամանատար դրաւ. ձախ թեւը Վրաց թագաւորին յանձնեց. իսկ ինքը երկու Աամսարական իշխաններուն հետ կեդրոնը կեցաւ, և իւր քովս



ալ Սահակ ասպետը կեցուց: Չարնուելու ըս-  
կած ժամանակինն Վահան իւր գնդովն իւր  
դիմացի թշնամին սաստիկ յարձակմամբ մը մղեց  
և փախուց և շատերը կուր գետէն այն կողմը  
վաճակեց. շատ ալ մեծ իշխաններ սպաննեց.  
նոյնպէս Վասակ Սպարապետին եղբայրը սաս-  
տիկ քաջութեամբ թշնամին կը զարնէր: Բայց  
հոյն միջոցին ձախ թելը կեցող Վրաց ու Հայոց  
զօրքն երեսներն դարձուցին և սկսան փախչիլ,  
և գլուխներնուդ ճարը հողացէք պռուշով՝  
միւս յաղթող գնդերն ալ շիրթեցին: Այն  
ժամանակ Վահան ալ ետ քաշուեցաւ և փախ-  
չողներուն ետեւէն գնաց: Պարսիկները Հայոց  
և Վրաց ետեւէն ինկան և անոնցմէ շատ մարդ-  
շարդեցին: Այս դժբաղդ պատերազմին մէջ  
Հայոց դունդը մեծ կորուստ ունեցաւ. Իշ-  
խաններուն մէջէն Սահակ ասպետ մարզպանն և  
Սպարապետին Վասակ եղբայրը Մարտիրոսա-  
կան մահուամբ մեռան, որոնց երեսը պատե-  
րազմէն յառաջ սաստիկ լուսաւորուելով իւ-  
րեանց երջանիկ վաստանին հասած լինելը շա-  
տերուն յայտնուեցաւ. Բարկէն Սիւնին վիրա-  
ւորուեցաւ եւ Հրահատ Կամարականն եւ Յազդ-  
Սիւնի Սեպուհը գերի բռնուեցան:

Վահան Տայոց ամուր անդերը քաշուեցաւ

և ցրուած զօրքն ամէն կողմէն քովը ժողովեց:  
Պարսից զօրապետն ալ բոլոր զօրքովն նորա ե-  
տեւէն ինկաւ և պատգամաւոր մը ուղարկելով՝  
ըսաւ, « ինչու համար քու թագաւորիդ դէմ  
» ելեր ես, ե՛կ հնազանդէ նորա, եւ ապստամ-  
» բութիւնդ թո՛ղ. ես թագաւորին միջնորդ կը  
» լինիմ եւ զանիկայ քեզ հետ կը հաշտեցնեմ,  
» եւ ըրածներուդ համար ալ կատարեալ թողու-  
» թիւն կ'առնում »: Բայց Սպարապետն նորա  
խիստ պատասխան մը ուղարկեց, նորա առաջը  
դնելով թէ ինչպէս Պարսից թագաւորը Հայոց  
կրօնը ջնջելու կ'աշխատի, տուած խոստումները  
չպահէր, չար եւ անպիտան մարդիկներն իշխա-  
նութեան կը հասցնէ, որոնք Հայաստանը տակն  
ու վրայ կընեն ու կ'ապականեն: « Ասանցմէ  
զատ ըսաւ, ձեր թագաւորը զՀայերը միշտ կը  
նախատէ վատ ու մեղի աղբ անուանելով, այս  
խօսքը մեզի մեռնելէն աւելի ծանր է: Մենք  
երկու անգամ քանի մը հարիւր հոգուով ձեր  
երեք չորս հազարին դէմ ելլելով՝ եւ յաղթելով,  
ձեզի մեր ինչպէս աղբ ըլլալը ցուցըցինք, իսկ  
այս անգամ չէթէ ձեր քաջութենէն յաղթուե-  
ցանք, այլ մեր զօրայն անմիաբանութենէն. Հի-  
մա որովհետեւ կ'առաջարկեա որ նորէն ձեզի  
հնազանդինք, իմ ալ ձեզի ընկու առաջար-

կութիւնս այս է, թէ որ Քրիստոնէութեան կատարեալ ազատութիւն կուտայ եւ ամէն կրօնակատունները, մոզերն եւ ուրիշ կռապաշտութեան նշանները բոլորովին Հայաստանէն կը ջնջէք անպիտան իշխաններն իշխանութենէ կը հանէք, եւ նոցա տեղ աղէկներն ու բարեբարները կը դնէք, ձեզի կը հնազանդինք, իսկ թէ որ սոքա ընել յանձն չէք առնուր, մենք ալ միտքերնիս դրած ենք մինչեւ վերջին շունչերնիս ձեզի դէմ դնելու ։

Միհրան այս խօսակցութեան մէջ եղած ատենը, թագաւորէն հրաման եկաւ որ Պարսկաստան դառնայ, այն ալ անմիջապէս բոլոր զօրքովը՝ բռնած Հրահատ եւ Յազդ իշխաններն ալ շղթայով կապած հետն առաւ ճամբայ ելաւ, բայց Հրահատ իր Ներսէհ եղբօրն աղօթքովը Պարսից ձեռքէն ազատեցաւ, իսկ Յազդ Սեպուհը նահատակեցաւ ։

Միհրանին երթալէն զինի Վահան Սպարապետը Վաղարշապատ եկաւ, ու հոն Մայր եկեղեցւոյն մէջ Աստուծոյ շնորհակալութեան հանդէս ըրաւ, անկէ Գուին դնաց ձմեռը անցունելու համար ։ Բայց յանկարծ Վրաց կողմէն երկու խաբեբայ մարդիկ եկան և պատմեցին որ Սահակ Բագրատունի Մարզպանն եւ Վասակ՝

Վահանին եղբայրը մեռած չեն, այլ վերաուրած ինկած ըլլալով՝ սողալով անտառի մը մէջ մտան պահուրտեցան, և հիմա թշնամին ետեւնէն ինկած է որ ձեռք ձգէ, ուստի շուտով օգնութեան հասէք ։ Եստերն այս խաբէական խօսքին հաւատացին եւ կուգէին որ անմիջապէս Հայոց գունդը Վրաստան երթայ և այն երկու իշխաններն ազատէ, մանաւանդ նոյն իշխանաց ընտանիքը շատ ետեւէ կ'ըլլային ։ Սպարապետը շատ աշխատեցաւ և յայտնի ցուցուց որ այս բանս սուտ և խաբէական է, բայց երբ չկրցաւ համոզել, ըսաւ անոնց . Սհաւասիկ զօրքը ձեր ձեռքն է, ի՞նչպէս որ կամիք ըրէք, միայն թէ գիտցած ըլլաք որ զօրութիւննիս բաժնելը մեզի շատ մեծ վնասներու պատճառ կ'ըլլան ։ Յայնժամ Մուշեղ Մամիկոնեան Սեպուհին գունդ մը զօրք տուին ու Վրաստան յուղարկեցին, զորոնք այն երկու խաբեբայները զանազան և սնտոսի պատճառներով բոլոր ձմեռն ատտանդական պտրտցուցին ։ Չմեռը հազիւ թէ անցաւ և Գարնան գեղեցիկ օրերն սկսան, Զարմիհր Հազարաւուխտ Պարսից զօրավարը բիւրաւոր զօրքով յանկարծ Հայաստան մտաւ և Երասխ գետէն անցնելով՝ Արտաշատ քաղաքն եկաւ, ուր ուրացեալ նախարարներուն մատնութեամբն

իմանալով՝ նոր Հայոց գնդին կէտը Վրաստան գացած է և Վահանին քովը քիչ զօրք կայ, երկրորդ օրը ճամբայ ելաւ ու Գուինի վրայ քալեց:

Վահան ամենեին առանց չփոթելու իւր քիչնոր զօրքովը Պարսից դէմ ելաւ և նոցա մէկ կողմը զարնելով՝ մաս մը բուն բանակէն բաժնեց և շատերը ջարդեց, և անցաւ Խաղտեաց կողմն, ամուր տեղ մը գնաց կեցաւ: Նոյն ատենը Մուշեղ Սեպուհն՝ որն որ բոլոր ձմեռը Վրաստան սողին անդին թափառած էր, Հայաստան դարձաւ, և եղածն իմանալով՝ ինքն ալ Վահանին քովը գնաց: Չարմիհր բոլոր զօրութեամբ Վահանին ետեւէն ինկաւ. ճամբան շատ բերդեր կործանեց ու շատ ալ արիւն ըրաւ, և լսելով որ Վահան Յունաց մասին մէջ Վարայրվարոյ գեղն է, շուտ մը հոն գնաց, բայց որովհետև Սպարապետն անկից գացած էր, դարձաւ Բասէն գաւառն եկաւ: Հոն իրեն թագաւորէն հրովարտակ մ'եկաւ, որուն մէջ կը ծանուցանէր որ ինքը Հեփթաղներուն դէմ պատերազմի օլիտոր ելթայ, և կը հրամայէր որ Ծապուհ Միհրանեանը Հայաստանի Մարզպան դնէ, և ինքը Վրաստան երթայ, Վախթանկը կամ բռնէ կամ սպաննէ: Չարմիհր Ծապուհին

մարզպանութեան իշխանութիւնը տալէն զինի՞ Սիւնեաց Գդիհոն ուրացող իշխանն ալ անոր օգնական դրաւ և ինքն ելաւ գնաց:

Այս նոր Մարզպանը զՎահան ձեռք ձեռքելու համար անդադար նորա ետեւէն ինկաւ և ամէն կողմ զօրք յուղարկեց. իսկ Սպարապետն՝ որովհետև քովը քիչ զօրք ունենալով՝ չէր կրնար նորա դէմ ելլել, նորա աողին անդին ցրուած զօրաց վրայ կը յարձակէր և շատերը կը ջարդէր: Ծապուհ տեսնելով՝ որ իր զօրքն օր ըստ օրէ կը քիչնայ, Գդիհոն Սիւնիին խորհրդովը բոլոր զօրութիւնը մէկտեղ բերաւ ու Վահանին վրայ քալեց՝ որն որ քիչ մը հանդիստ առնելու համար Երիզա գեղը գացած էր, և անոր մօտ բանակը դրաւ: Վահան անմիջապէս զօրքն առաւ գեղէն գուրս ելաւ, Երիզայի գեղացիներն ալ ժողվեց ու գիշերանց Պարսից բանակին վրայ եկաւ, գիւղացիներուն ձեռքը մէյմէկ վահան տուած՝ իր զօրքին առաջը շարեց որպէս զի ապահով ըլլան, և հրաման տրուաւ որ ամէնը մէկտեղ սկսին թշնամեաց բանակին վրայ նետ նետել: Պարսիկներն այս անակնկալ յարձակմանէ չփոթելով ու սարսափելով՝ կարծեցին թէ թշնամին իրենց բանակը կոխեր է, և սկսան զիրար ջարդել: Հայերը քիչ

մը ժամանակ այսպէս Պարսիկները խռովելէն ետեւ, անփնաս դարձան Շտեայ գեղն եկան զիշերուան մնացած մասն անցուցին: Երկրորդօրը Շապուհ մնացած զօրքն առած՝ կատաղաբար նոյն գեղին վրայ եկաւ, Սպարապետը թէպէտև շատ քիչ զօրք ունէր, բայց Աստուծոյ օղնութեանն սպասելով՝ զանոնք կարգի դրաւ և թշնամոյն դիմացը շարեց: Հաղիւ թէ զարնուելը պիտ'որ սկսէին, մէյմ'ալ տեսաւ որ իր զօրքին մեծ մասը երեսնին դարձուցեր կը փախչին և քովը միայն քանի մ' իշխան և 40 ի չափ զինուոր մնացեր են, բայց անոնք ալ միւսներուն փախչիլը տեսնելով՝ զարհուրած էին: Մէջերնէն մէկն իրեն ըսաւ. Տէր միտ դիր, նայէ վիճակնիս: Սպարապետն արիւնթեամբ մը պատասխան տուաւ. հիմա ալ միտ դնելու ժամանակ չէ, ես յոյս չէ թէ մարդու՝ այլ Աստուծոյ վրայ դրած եմ. այս ըսելով երեսը խաչ հանեց ու թշնամեաց գնդին վրայ յարձակեցաւ, քովի մարդիկներն ալ իրեն հետեւեցան: Պարսից զօրազուլին այս խելքէ դուրս գործքին վրայ ապշած և այլայլած, շուտ մը Պղիհոնին մարդ խաւրեց որ իր գնդովը գայ որ Վահանը մէջ առնուն ու բռնեն. այն ալ ուրախութեամբ վազեց եկաւ: Բայց Աստու-

ծոյ ապաւինած քաջերը 2—3000 թշնամին աներկիւղ զարկին, անոնցմէ շատերը մեռած դետինը վուեցին, ու ջրի պէս ճեղքեցին, դուրս ելան, իրենցմէ միայն 4 հոգի կորսնցնելով, նախ Պղիհոն ուրացող իշխանն ալ չարաչար վիրաւորեցին, որն որ քանի մ' օր ետքը հոգին փչեց, և շատ ատեն առանց վախի Պարսից գնդին քովէն նոցա հետ յառաջ գացին: Վահանին այս արտաքոյ կարգի գործքը Պարսից զօրքն այնչափ զարհուրեցուց որ բոլորովին լըքան և վճատեցան, և Հայոց նայելու ալ չէին համարձակեր, կ'ըսէ Ղազար Փարպեցի ժամանակակից պատմիչը, կարծելով թէ նոքա հին դիւցազուններէն կամ բնութենէ վեր մարդիկ են, զորոնք տեսնելն ալ մեծ վտանգներ կը բերէ: Իսկ Միւնեաց զօրքն՝ իրենց իշխանին մեռնելէն ետքը տեղերնին ցրուեցան: Շապուհ զօրապետն ալ Վահանին յաղթելէն բոլորովին յոյսը կտրելով՝ Բասեան դաւառը քաշուեցաւ:

Նոյն ժամանակը Պարսկաստանէն դեսպան մ'եկաւ և իրեն դոյժ բերաւ որ Պերող բոլոր զօրութեամբ Հեփթաղներուն դէմ պատերազմի դնաց, և անոնցմէ յաղթուելով զօրքն քնուեցաւ, ինքն ալ սպաննուեցաւ. ուստի անմիջապէս քովի զօրքն առաւ Պարսկաստան

դնաց : Ասոր երթալէն ետքը Վահան Սպարսպեան իւր ոխտակից իշխաններովը Վաղարշապատ քաղաքը դնաց , և հոն Մայր եկեղեցւոյն մէջ Աստուծոյ շնորհակալութեան մեծ հանդէս կատարեց : Եւ որովհետև նոյն եկեղեցին շատ հինցած էր , նորէն շինել տուաւ ու զարդարեց : Անկէ իր ընկերներուն հետ Գուին քաղաքը դնաց և խաղաղ ու հանգիստ կեանք կ'անցընէր :

Պարսից նախարարները Պերողին տեղը անոր Վաղարշ եղբայրը թագաւոր դրին , որն որ հեզ և խաղաղասէր ըլլալով՝ գահն ելլելուն պէս իր իշխանութեան տակն եղող երկիրներուն խռովութիւնը դադարեցնելու ձեռք դարկաւ , և նախ Հայաստանէն սկսելով՝ Նիխոր Վնասպդատ իշխանը հոն յուղարկեց որ երթայ ինչ եղանակաւ որ ըլլայ Վահանին հետ հաշտութիւն ընէ , բայց հրաման ալ տուաւ որ հետը շատ զօրք ալ տանի , որպէս զի ըլլայ թէ Հայերը հաշտութիւնը յանձն չառնուն , և իրեն մաս հասցնեն :

Նիխոր՝ Հայաստանին Հեր գաւառն եկաւ և անկէ Վահանին երկու մեծ իշխան խորեց , իմացնելով որ թագաւորը զինքն խրկած է Հայոց հետ հաշտութիւն ընելու և նորէն խաղաղութեամբ իրեն հնազանդեցնելու համար :

Սպարսպեան իւր բոլոր ուխտակից եղբայրները ժողովեց , և պատգամաւորոց հրամայեց որ նոյա առջին Նիխորին պատգամը պրուցեն , երկրորդ օրը Հայ իշխաններուն հետ խորհուրդ ընելով՝ եկող պարսիկ իշխանաց այս պատասխանը տուաւ : « Մենք շատ պատճառներու համար ձեր թագաւորին դէմ ելած ենք , որոնց ամէնը եթէ թագաւորին հետ անձամբ խօսելու առիթ լինի՝ կը յայտնեմ : Բայց հիմա որ զմեզ հաշտեցնելու եկած էք , յետագայ երեք պայմաններն իբրև հաշտութեան հիմ կը պահանջեմ . նախ մեր կրօնին բուրրովին ազատութիւն պիտոր տաք և կուսպաշտութեան նշանները Հայաստանէն պիտի վերցնէք . Հայերն հաւատքնին փոխելու ամենեւին պիտի չստիպէք , մէկու մը հաւատքի համար իշխանութիւն պիտի չտաք :

Երկրորդ՝ չար և անպիտան մարդիկներն իշխանութեան պիտի չհասցնէք , այլ միայն արժանաւորներն , և որոնք որ երկրին պայծառանալուն փոյթ և ջանք ունին : Երրորդ՝ թագաւորն ամէն եղած ամբաստանութեանց շուտով պիտի չհաւատայ , այլ ինքն անձամբ լաւ պիտի քննէ և արդար դատաստան ընէ : Եթէ այս պայմաններն յանձն կ'առնուք , և զբաւոր և թէ

Թագաւորին կնքովը կը հաստատէք որ միշտ հաստատուն կը պահէք, մերք ալ ձեզ հետ կը հաշտուինք և նորէն ձեզի կը հնազանդինք, իսկ եթէ չուզէք յանձն առնուլ, մտքերնիս հաստատուն դրած եմք որ մինչև վերջին շունչերնիս ձեզի դէմ դնենք, և աւելի կուզենք մեռնիլ քան թէ ձեզի ծառայել» :

Սպարապետը պատգամաւորներուն այս խօսքերը ընելէն զինի՝ իւր քովի իշխաններէն հինգ հողի նոցա հետ Պարսից զօրապետին ուղարկեց . Նիխոր զանոնք շատ սիրով ընդունեցաւ և սեղանի հրաւիրեց և պատգամաւորներէն Վահանին պահանջածները լսելով՝ շատ հաճեցաւ, և շուտ մը նորա նամակ գրեց, խոստանալով որ ամէն ուղածները կը կատարէ, և զինքն ալ հրաւիրեց որ իւր քովը գայ և միմեանց հետ բերան առ բերան խօսին : Աւտի Սպարապետը բոլոր զօրքովն Սրտազ գաւառը գնաց և Նիխորին պատգամ ուղարկելով ըսաւ, որպէս զի ես քու քովը գամ, պէտք ես ինձ այս տեղ քանի մի Պարսիկ իշխաններ ուղարկել, պոնք իմ մարդոցս քով կը մնան մինչեւ որ կարող հետ խօսինք և բաժնուինք :

Զօրապետը Վահանին իմաստութեան վրայ զարմացած՝ ութը մեծ իշխաններ ուղարկեց,

զորոնք Սպարապետն իւր հաւատարիմ մարդոց յանձնեց, պատուիրելով որ պատուով պահեն . և ինքն զօրքին մեծ մասը հետն առաւ Նիխորին գնաց : Երբ նորա կեցած գիւղին մօտեցաւ, հրամայեց որ պատերազմի փողերն սկսին զարնել . Պարսիկներն այս դէպքէն այլայլեցան, կարծելով թէ Վահան խաբէութեամբ եկած է նոցա հետ պատերազմելու : Նիխոր նորա երկու իշխան ուղարկեց և ըսել տուաւ թէ՝ « ինչո՞ւ համար Պարսից սովորութեան դէմ կը գործես . ( որովհետև միայն Պարսից Սպարապետը փող զարնելով բանակը կը մանէր ) : Վահան ալ պատասխան տուաւ Նախ դու զիս Պարսից հնազանդեցուր, այնուհետև ես ալ Պարսից սովորութիւնը կը պահեմ, վասն զի առանց ձեզմէ սորվելու ձեր տէրութեան սովորութիւնն ու կարգը գիտեմ : Ս. յս խօսքերէն վերջը Նիխորին քովն եկաւ, որ շատ պատուով ընդունելութիւն ըրաւ, և իւր ամէն ինչը բանները կատարելու հաստատուն խօստում տալով՝ իրարմէ բաժանեցոյն և Վահան Գուին դարձաւ : Իսկ Նիխոր՝ որ վճռու նոյն ժամանակը Պերողին Զարէհ որդին Վաղարշին դէմ էլած էր և կուղէր Թագաւորութիւնն նորա ձեռքէն յափշտակել, իւր զօրքովը Պարսկաստան կանչուեցաւ,

որ երթալու ժամանակ Վահանին խնդրեց որ  
 Հայոց զօրքին մի մասն ալ թագաւորին օգնու-  
 թեան ուղարկէ : Սպարապետն Վրէն Վանան-  
 դեցւոյն և իւր եղբորորդւոյն Գրիգոր Մամի-  
 կոնեանին գունդ մը զօրք տուաւ և Վարսիաս-  
 տան ուղարկեց . որոնք շատ քաջութեամբ պա-  
 տերազմելով՝ թագաւորին թշնամեացը յաղթե-  
 ցին , Մի քանի օրէն վերջը Վահան ալ իւր  
 ուխտակից նախարարներն և զօրքին մնացած  
 մասը հետն առած Վաղարշին գնաց , որուն  
 թագաւորը շատ պատիւ ըրաւ և ամէն կառքը  
 կատարեց , և պայմաններն իւր կնքով և ուսան-  
 ձին հրովարտակով մը հաստատեց . նաև զինքը  
 Մամիկոնեան ցեղին նախարար և բոլոր Հայաս-  
 տանի զօրաց վրայ Սպարապետ կարգեց : Նոյն-  
 պէս ուրիշ նախարարներուն ալ պատիւներ և  
 պարգեւներ տուաւ և իրաւքով Հայաստան ու-  
 ղարկեց , որոնք եկան նախ Վաղարշապատու  
 Մայր եկեղեցւոյն մէջ շնորհակալութեան հան-  
 դէս կատարեցին և ազքատաց առատ սղորմու-  
 թիւն բաժնեցին և անկէ դարձան Պուին քա-  
 ղաքն եկան :

Հայաստան այսպէս ամէն կողմանէ բոլորովին  
 խաղաղանալով՝ Անդեկան իշխանը թա-  
 գաւորէն մտրդպան գրուեցաւ : Այս իշխանն

իւր իշխանութեան ժամանակ Վահանին ըրած  
 իմաստուն կարգապարտութիւններն և ամէն ձեւ  
 նամուխ եղած գործքերուն յաջողութեամբ  
 կատարելը տեսնելով՝ նորա վրայ մեծ համա-  
 բուժ ունեցաւ և շատ սէր կապեց : Երբ  
 որ հարկաւոր գործքի մը համար Վարսիաստան  
 գնաց Վահանին ըրած գործքերը թագաւորին  
 պատմելով՝ նորա ըսաւ , թէ Հայաստան լաւ  
 ծաղկեցնելու և խաղաղութեամբ պահելու հա-  
 մար պէտք է Վահանը Մարզպան գնել :  
 Վաղարշ այս առաջարկութեան հաճեցաւ , և  
 հրովարտակ մը գրելով նորա մտրդպանութեան  
 իշխանութիւն տուաւ : Վահան այս հրովար-  
 տակն առաւ թէ չէ՝ բոլոր իւր ուխտակից նա-  
 խարարներովն եկեղեցին գնաց , և ժողովրդեան  
 բազմութիւնն ալ ամէն կողմանէ այն տեղ լըռ-  
 նուեցան և շնորհակալութեան փառաւոր տօն  
 կատարեցին . Յովհան կաթողիկոսն ալ ժողո-  
 ված բազմութեան գեղեցիկ յորդորական ճառ  
 մը խօսեցաւ :

Հայաստան ութ տարիի շախ խաղութիւն  
 և հանդստութիւն վայելելէն վերջը՝ նոր քաղա-  
 քային խռովութեան փոթորիկ մը զինքը սլառեց  
 և ամէն խաղաղութիւն վրդովեց . վասն զի Աս-  
 ւատ Պարսից թագաւորը մտքերուն գրգռելովը

Հայոց դէմ դարձեալ հալածանք հանեց և Հայաստան շատ զօրք ու մոգեր ուղարկեց, ուրոնք եկան այս կողմ այն կողմ կրակատուններ շինեցին: Վահան Մամիկոնեան մարզպանն որ այնչափ տարի կրակապաշտութիւնը ջնջելու համար պատերազմ բացած էր, այս բաներս տեսնելով աստուածապաշտ նախարարները ժողովեց և Պարսից դէմ ելաւ, զօրքերն ու մոգերը ջարդեց և կրակատունները կործանեց: Աւաւ սաստիկ բարկացած՝ սկսաւ մեծ պատրաստութիւն տեսնել որ Հայաստան արշաւէ, բայց իւր իշխաններն ապստամբելով՝ զինքն անթողէն վար առին: Քիչ մը ետքը Աւաւ թագաւորութիւնը նորէն ձեռք ձգեց, և ուղելով Յունաց դէմ՝ պատերազմի ելլել, Հայոց հետ հաշտութիւն քրաւ:

Վահան քսան և հինգ տարիի չափ Հայաստան կառավարելէն ետքը վախճանեցաւ, և իր Վարդ եղբայրը Մարզպան եղաւ. բայց իւր իշխանութեան երրորդ տարին Աւաւս զինքը մարզպանութենէ ձգեց, և Բուրղան պարսիկը Մարզպան դրաւ: Սորա ծամանակը Հոնաց զօրքը Հայաստան արշաւեցին ու շատ դաւաւաներ ասպատակելով՝ մինչև Սասուն դաւաւոր հասան. հոն Մժէժ Քնուսի քաջ իշխանը իր

զօրքովն նոյա դէմ ելաւ, և սաստիկ ջարդ մը տալով փախուց: Աւաւս Մժէժին աս քաջութիւնը իմանալով՝ զանի Բուրղանին տեղ Հայոց Մարզպան դրաւ, որն որ երեսուն տարի Հայաստան խաղաղութեան մէջ պահեց:

Երանի՛ այն Հայերուն՝ որ Վահան և Մըժէժի սիրան ու ոգին ուենալով՝ միշտ կը մտածեն իւրեանց ազգին վրայ, և պէտք եղած ջանքն ու խնամքը չեն զլանար իւրեանց արեւնակից եղբայրներէն, և իւրեանց զործունէութեամբը այլոց ևս խրախոյս և քաջալերութիւն կու տան. միտլ բանիւ բարի օրինակ կըլինին. այնպիսի Հայերն յաւերժ կեցցեն . . . . .





ՆԱԽԱԳՐՈՒԹԻՒՆ

ԱՆԻ ՔԱՂԱՔԻ

ԵՒ

ԱՌՈՒՄՆ Ի ՅՈՒՆԱՅ

1862 թուականին և Օգոստոս 23րդ օրը  
 Աստանդնուպօսէն մեկնելով՝ դէպի Հայաստան  
 ճանապարհորդութիւն ընելու և ԱՆԻ հոչա-  
 կաւոր Քաղաքը տեսնելու բաղձն ու արժանա-  
 ւորութիւնը ունեցանք . թէպէտ մեր Հայաստա-  
 նի ճանապարհորդութեան մանրամասն նկա-  
 ղարութիւն գրած պատրաստի ունիմք , բայց  
 նորա հրատարակութենէն յառաջ Անի քաղա-  
 քի և նորա առժան նկարագրութիւնը կրնեմք  
 այժմս , որ կարի հետաքրքրական է , հետե-  
 ւաբար մեր բոլոր ճանապարհորդութեան պատ-  
 մութիւնը յայլում նուազի թողլով :

Մեր տկար գրիչը չի ներեր որ Անի քա-  
 ղաքի նման Հոյակապ և հուշակաւոր տեղի մը  
 մանրամասն նկարագրութիւնը ընելով կարողա-

նամք մեր ընթերցողաց հետաքրքրութիւնը գո-  
 հացնել . ուստի Այոյգունդ Համիլտն երեւելի  
 Անդղիացւոյն ճարտար գրչին կը յանձնեմք որ  
 1836 թուականին և Յունիս 13ին նոյն քաղքին  
 մէջ մի ամբողջ օր մնալով՝ մեր տեսածներուն  
 հանդուճաւոր պատկերն կրներկայացնէ : Աւե-  
 » րակը , կ'ըսէ , հիմակուան Անի\* ըսուած գիւ-  
 » ղէն մի Անդղիական մշտն և կարսին ուղղակի  
 » արեւելեան կողմն , յորմէ 24 մշտն հեռու  
 » Ախուրեան գետին քովն է : Դիրքն եռանկիւ-  
 » նի ձեւ մը ունի և ապառաժուտ թերակղզւոյ  
 » մը վերայ է . որուն Սրեւելեան կողմը ժայ-  
 » ուերով կը պաշտպանուի և նոցա ստորտը գե-  
 » տին հոսանքը կը թանայ : Սրեւմտեան կողմը  
 » ցամաք փոս մը կայ , որուն երկու կողմերն  
 » խողովներով և այրերով խորունկցուած են :  
 » Իսկ երրորդ կողմն որ առաջին երկու կող-  
 » մերուն հետ միանալով՝ եռանկիւնը կը կա-  
 » տարէ , ամուր , լայն և շատ տեղ կրկին պա-  
 » րսպով պատած և անհամար կլոր աշտարակ-  
 » ներով ապահովցած է : Քաղաքէն դուրս մի-  
 » աջն երկու հայերէն արձանադիրներով լեցուն  
 » մասուռ կայ , որոնց շէնքը պարսպին ներսի

(\* ) Որուն մէջ մի օր եւ մի գիշեր մնայինք . 1862  
 Յսկտ. 17 եւ 18  
 Տ. Գ.

» չէնքերուն նման է : Սոցա բարձրութիւնը տեղ  
 » առ տեղ 40—50 ոտնաչափի կը հասնի . սոցա  
 » շինուածքը շատ սքանչելի է . դրսէն զարմա-  
 » նալի ճարտարութեամբ իրարու վրայ գոցուած  
 » մեծամեծ չորեքկուսի քարեր զինքը կը պա-  
 » տեն : Քաղքին մէջը մտնելու միայն երկու  
 » դուռ կարողացոյց գտնել , Արեւմտեան դրան  
 » երկու կողմը շատ բարձր աշտարակներ շին-  
 » ուած են , բայց չէնքերէն թափուած նիւթե-  
 » ըրը կանիկայ բողբոլին գոցած և անմտանելի  
 » ըրած են :

», Արեւելեան գոնէն մտնելու ժամանակ  
 պէտք է կրկին պատերէ անցնիլ , բայց սյս  
 երկու պատերուն մուտքերն մէկ ուղղութեան  
 մէջ ( գիմացէ գիմաց ) այլ ներքինն արտաք-  
 նոյն դէպ ՚ի ձախ կողմն՝ որմէ բաւական  
 հեռու է : Գրոսի մուտքին անմիջապէս գիմացն  
 ինկող պատը Հայերէն արձանադիրներ կը ծած-  
 կեն , սոցա քարի վրայ նուազ արուեստով փոր-  
 ուած առիւծի պատկեր մի կայ , որն որ Հայոց  
 ճարտարագետութեան հասարակ զարգերէն  
 մին է : Նաեւ ներքին դրան երկու կողմերն  
 ալ կըսր աշտարակներ կը բարձրանան , որոնց  
 ձախ կողմինն ստորսան , անմիջապէս դրան  
 մուտքին քով երեք խորշեր , և նոցա իւրաքան-

չիւրին մէջ վրանին մէկ մէկ խաչի պատկեր  
 փորուած խոշոր քարեր կան :

Այս գոնէն ներս մտցուելուն անմիջապէս,  
 զարմնալի քաղքին բոլոր տեսարանը կը բաց-  
 ուի : Ամէն կողմ փոքրիկ չէնքերու և բնա-  
 կութեան տներու աւերակներով լեցուն է , ու  
 ընց մէջ 20ի չափ մեծամեծ չէնքեր ( ըստ մեծի  
 մասին եկեղեցի և մատուռ ) կանգուն կրկենան ,  
 Ասոնցմէ զատ կան երկու բարձր մղկթի աշ-  
 տարակներն և երկու թաղաւորական պալատ-  
 ները : Բայց սոցա մէջ ամենէն աւելի մտա-  
 դրութիւնն իւրեան դարձնողը մեծ ու փառա-  
 ւոր եկեղեցին է , զորն որ միւսներէն զանազա-  
 նելու համար Մայր եկեղեցի կրնանք անուանել :  
 Այս ընդարձակ խաչածեւ չէնքը դրան ճամ-  
 բուն Հարաւային կողմն կիցնայ , և գեռ անա-  
 ըստ մնացած է , սրածայր յարկը խոշոր չորեք-  
 կուսի քարերով ծածկուած և ներսէն կամարի  
 վրայ հաստատուած է , որն որ իր կեդրոնին  
 վրայ եղող գմբեթէն ( կաթողիկէէն ) զատ ամ-  
 բողջ կը կենայ : Եկեղեցւոյն գլխաւոր դուռը  
 չէնքին Արեւմտեան ծայրը կիցնայ , որուն եր-  
 կու կողմն Հայերէն արձանագիրներ կը ծած-  
 կեն . ողբա թէ որ օրինակուելու և հրատա-  
 րակուելու չինին , Հայոց պատմութեան շատ

լուսաւորութիւն կրնան տալ: Անիկն մէջ գրեթէ չէնք չկայ որ Հայերէն արձանագրով լեցուն չլինի: Եկեղեցւոյն ներսի կողմը մէկ գլխաւոր միջին ճիւղ և երկու կողմնական թեւեր բաժնուած է:

«Առաջինը 107 ստնաչափ լայնութիւն ունի: Երեսութեան կերպը հին Սարակինոսեան և Բիւզանդեան ոճին խառնուրդ մըն է, և այս ճարտարապետութեան ձեւը բոլոր Անիին մէջ կը տեսնուի, բայց չէնքերէն շատերուն մէջ զարգերու ու քանդակներու զանազանութիւն մի կայ, որոնք միշտ Արաբացոց կամ Մարիտանայոց հարուստ զարդերուն կը նմանին: Քաղքին Հարաւային կողմն երեքանկեան ծայրին մօտ բարձր ապստամ մի կայ, որուն վրայ առանձնականաց տներ և Յ4 մատուռ շինուած են: Այս մատուռներէն մին դեռ անկործան կեցած է, որուն չէնքը շատ գեղեցիկ ու հարուստ է: Ապստամին ու Մայր եկեղեցւոյն մէջերն ուրիշ եկեղեցի մ'ալ կայ, որն որ թէպէտ եւ գետնի հաւասար եղած է, բայց իւր աւերակներուն մէջն ալ ճարտարապետութեան ամենաբարակ գործուածներ կը տեսնուին: Ասկէ քաղքին Սրեւմտեան կողմը դառնալով շատ հարուստ զարդարուած չէնքեր կուգան, որոնց

մէջ 30 ստնաչափ տրամագծով ութանկուն մատուռ մի կայ: Ասի իւր պատերուն վրայ եօթը բոլորաձեւ խորշեր ունի, վրան դմբեթ մի ծածկած է և ութը կողմանէ մուտք ունի: Եէնքին ներսի կողմը շատ պարզ է, բայց դուրսը քանդակներով ու գոգուածներով գեղեցիկ զարդարուած է: Այս մատրան Հիւսիսային Սրեւեւեան կողմը շատ հարուստ զարդերով զարդարուած եկեղեցի մ'ալ կայ, որուն կից է արտաքոյ կարգի գեղեցիկ կամարով մատուռ մի: Ամարը զանազան դաշտեր բաժնուած է, զորոնք դոյնգոյն քարերով շինուած խճանկարներ կը զարդարեն: Պատերն ամենագեղեցիկ Արաբացի քանդակներ փորուած են, որոնց մէջ կրկնաթեւ խաչեր յաճախ կը տեսնուին: Անիին աւերակներուն իւրաքանչիւր մասին, իւր կամարներուն, խոյակներուն, սիւնակներուն, սիւներուն և ամէն տեսակ զարդերուն վրայ Սարակինոսեան ու գոթացի հարուստ ճարտարապետութեան ծագումը կատարեալ կրնայ տրվուիլ:

«Նոր խորհրդածութեան դաշտ մ'ալ կը բանայ, քաղքին պարսպին Արեւմտեան ծայրն եղող հսկայաձեւ չէնքի մ'աւերակը, որն որ անտարակոյս թագաւորական պալատն է: Իւր

գոտիկոններն հարիւրաւոր խուցեր ունին, մեծ  
 դուռը Սարակիճնոսեան ամենագեղեցիկ ոճով է,  
 և իւր մեծ սրածայր կամարին վրայ պատուհան  
 մ'ունի: Բոլոր պատին երեսը խճանկարներով  
 հարուստ զարդարուած է. խոշոր քառակուսի  
 քարերէ շինուած պատին արուեստն այն աստի-  
 ճանի կատարեալ է՝ որ քարերուն կցուածները  
 դեռ այսօր շինուածի պէս կ'երևան: Պալատին  
 կից ապառաժ պատերուն մէջ քանի մ'այրեր  
 կան որոնց ներսի կողմը քանդակներով լեցուն  
 են, բայց նոցա մէջ շատ անարուեստ և անկա-  
 տար կերպարանքներ ալ կան: Այս այրերէն  
 մէկուն պատերուն վրայ ճարտար արուեստով  
 սիւներ փորուած են իրենց խոյակներովն ու  
 պատկներովը: Մայր եկեղեցւոյն վարի կողմը  
 խիստ բարձր բայց նեղ կամրջի մը մնացորդները  
 կը նշմարուին, որն որ ժամանակաւ Ախու-  
 րեան գետին երկու եզերքն իրարու հետ կը  
 միացնէր, բայց հիմա միայն իւր խարիսխներն  
 երկու եզերքին առջևը մնացած են »:

ԱՆԻ քաղաքը տեսնող Հայու աչքերը ու-  
 ռանց արտասուք թափելու՝ անկարելի է որ նոյն  
 փոստաւ որ և հիանալի վայրէն բաժնուի:

# ԱՆԻ ՔԱՂԱՔԻ

ԱՌՈՒՄՆ Ի ՅՈՒՆԱՅ

Քրիստոսի 4020 թուականին երբոր Պա-  
 զիկ Ա. թագաւորն վախճանեցաւ, նորա երկու  
 որդւոցը մէջ թագաւորութեան յաջորդութեան  
 պատճառաւ մեծ խուլութիւն ծագեցաւ, վասն  
 զի Յովհաննէս Մմբատ նորա երէց որդին՝ որ  
 կրաւամբ հօրը իշխանութեան ժառանգն էր,  
 թէպէտ և իմաստուն՝ բայց պատերազմի անհը-  
 մուտ և ծանրամարմին լինելով՝ իւր փոքրիկ  
 եզրայրն Աշտա, առոյգ և քաջ պատերազմող  
 երիտասարդը կը ցանկար որ թագաւորութիւնն  
 ինքն առնու: Եւ երբ տեսաւ որ Մմբատ բռնու-  
 թեամբ դահը նստաւ. ինքն ալ զօրք ժողովեց  
 և փոքր ժամանակ աստ և անդ. ասպատակելէն  
 և թագաւորին երկիրներն ապականելէն զկնի՝  
 Վասպուրականի Սենեքերիմ թագաւորին քովը  
 դնաց, և անկէ ալ շատ զօրք օգնութեան առ-  
 նելով եկաւ Անի քաղքին առջևը բանակեցաւ:  
 Մմբատ այս զէպքէն այլայլելով՝ անմիջապէս

հրաման տուաւ որ պատերազմի փողերը զարնուին և զօրքն՝ որոնք 40,000 հետեւակ և 20,000 ձիաւոր էին, քաղքէն դուրս ելնեն և Ս. շոտին բանակը զարնեն: Նոյն ժամանակը Վրացի իշխան մը որ Ս. փխաղաց թագաւորին կողմանէ դեպքան ուղարկուած էր, Սմբատին առջևն ելնելով՝ ասաւ, « Տուր ինձ հրաման, և ես Ս. շոտը բռնած քու առջեւդ կը բերեմ »:

Թագաւորն իւր եղբոր քաջութիւնը զիտնալով՝ նորա պատասխանեց, « Առիւծին կորիւնը չտեսած՝ զանի մի՛ արհամարհէր »:

Երբոր բանակներն իրարու դիմաց ճակատեցան, Վրացի իշխանը նիզակը ձեռքը բռնած յառաջ անցաւ և սկսաւ պօռալ, « Ս. շոտով որ է յառաջ գայ », Սրի երիտասարդն այս խօսքին վրայ բարկացած՝ քաշեց պողովատիկ սուրն և ձին երազելով՝ Վրացւոյն մտնեցաւ և թեթեւ շարժմամբ մը նորա նիզակէն պրծեւրով սրովն նորա երկաթէ սաղաւարտին մի այնպիսի ուժով զարկաւ որ զանիկայ մինչեւ կուրծքն երկու ձեւքեց և ձիէն վար ձգեց: Ասկէց վերջը զօրաց հրաման տուաւ որ զարնուելու սկսին, որոնք իւրեանց առաջնորդին այս գործքէն օրինակ առնելով՝ սաստիկ քաջութեամբ զարնուեցան և Սմբատին զօրքը չա-

բաշար յազթելով քաղքին մէջ փախուցին, որոնց շատերն չը կրնալով ներս մտնել՝ Սխաւրեան գետին մէջ անկան և խեղդուեցան: Նախարարներն երբոր այսչափ կոտորածն և եղած ապականութիւնները տեսան, կամեցան միջնորդ լինել և երկու եղբայր իրարու հետ հաշտեցնել: Աւստի Պետրոս կաթուղիկոսն և Ա. փխաղաց Գորգի թագաւորն հետեւինն աւաճ՝ նոցա դացին և շատ խօսքերով երկու կողմն իւրարու հետ հաշտեցուցին: Երկիրն ալ երկու մասի բաժանեցին, Անի քաղաքն իւր մերձաւոր գաւառներովը Սմբատին, իսկ Պարսից և և Վրաց սահմանակից երկիրներն Ս. շոտին արւելն, և որոշեցին որ Սմբատին մեռնելէն վերջը՝ Ս. շոտ բոլոր Հայոց թագաւոր լինի: Բայց Արմբատ այս խաղաղութիւնը երկայն ժամանակ չկարողացաւ վայելել. վասն զի Ս. շոտին կողմնակից իշխաններէն մէկը Գորգիին վրայ տաճատանութիւն ընելով թէ՛ « Ծառիկ դաւառն որ իմ կալուածս էր, անիրաւութեամբ ձեռքէս յախչտակեց » զանիկայ թագաւորին դէմ՝ զրդուեց, և այս պատճառաւ Գորգի Սմբատին վերայ զօրք ուղարկեց. որոնք Հայաստան մտնելով լսեցին թէ Սմբատ ուրիշ տեղ իջնաներ է. զիշեխանց յանկարծ վրան յարձակեցան երբոր

նա հանգիստ կը քնանար: Սմբատ անկողնէն  
ցատկեց և փախչելու աճապարեց, բայց մարմ-  
նոյն ծանրութեան համար չկարողացաւ շուտով  
փախչիլ: Գորգիին զօրքն հասան և բռնեցին իսկ  
իւր քովի նախարարները քաջութեամբ ետ քաշ-  
ուելով՝ իւրեանց ետեւէն ինկող զօրքը մինչեւ  
Անիին դրան առջեւ սաստիկ ջարդեցին, և բո-  
լոր ճանապարհները նոցա դիակներով լցուցին և  
անկտանդ քաղաքը մտան: Թշնամոյն զօրքն  
անկէ դարձան եկեղեցիները կողոպտեցին և  
Սմբատը հետերնին առած՝ իւրեանց թագաւո-  
րին տարին, Գորգի զանիկայ բանտ դնել տը-  
լաւ. բայց քիչ մ' վերջը անկէ երեք բերդ առ-  
նլով ազատ թողուց:

Հազիւ թէ Սմբատ այս վտանգէն զերծաւ,  
ուրիշ մեծազոյն վտանգի մէջ ինկաւ, որովհետեւ  
իւր եղբայրն Աշոտ միշտ թագաւորութիւնը  
ձեռք ձգելու թէկն ածելով՝ և տեսնելով որ  
քանի որ Սմբատ կենդանի է՝ իւր բաղձանքին  
հասնիլը անկարելի պիտի լինի՝ տատի մտածեց  
որ զանի սպաննէ, և այս խորհուրդը դիւրաւ  
գլուխ հանելու համար մի այսպիսի հնարք մը  
տածեց: Ինքզինքը ծանր հիւանդ ձեւացնելով՝  
անկողին մտաւ և իւր պատկած սենեկին մէջ մի  
զարան շինել տուաւ. այս ընտելէն վերջը եղբորը

մարդ ուղարկեց և իւր վիճակն իմացնելով՝ ա-  
ղաչեց որ իւր քովը գայ և այն սաստիկ ցաւե-  
լուն մէջ զինքը միտնարէ: Քարեսիրտ թագա-  
ւորն եղբօրը սիրոյն համար անմիջապէս ելաւ  
նորա քովը դնաց բայց անկողնոյն մօտեցած  
ժամանակը դարանին մէջ ինկաւ և սկսաւ Աշո-  
տին աղաչել որ իւրեան ինայէ: Ապիրատ իշ-  
խանն՝ որուն Աշոտ յառաջագոյն պատուիրած էր  
որ Սմբատ գարանն իյնելէն անմիջապէս վերջը  
առանձին տեղ մի տանի և սպաննէ. եկաւ զա-  
նիկայ դարանէն հանեց. իբրեւ թէ Աշոտին հը-  
րամանը պիտի կատարէ, և տարաւ Անի քաղաքն  
իւր աթոռը նստեցուց, ասելով թէ՝ « Լաւա-  
» գոյն է որ իմաստուն թագաւոր ունենանք,  
» քան թէ մի անգութ բռնաւոր »: Իսկ ինքը  
Գուին քաղաքն Ապուսլար ամիրային քովը դը-  
նաց, վախնալով որ Աշոտ իւր այս բրածին  
համար իւրեան չարիք մը կը հասցնէ, և այն  
տեղ անհիմն կատկածանքի համար ամիրայէն  
սպաննուեցաւ:

Այս ժամանակներս Սկիւթացոյ մէջէն  
Թիւրք ըսուած ցեղը Վասպուրական արշաւեց,  
և շատ կողմեր սրով և հրով սկսաւ ապականել:  
Միներբերիմ թագաւորն այս բանիս գոյժն առ-  
նելով՝ իւր զօրքը պատրաստեց և իւր Գաւիթ

որդւոյն և Դապուհ գորապետին յանձնելով թըշնամուոյն վերայ, ուզարկեց: Եկան շարուեցան Հայոց զօրքը թշնամեաց զիմացը, որոնց այնչափ բազմութենէն և նոցա այլանդակ կերպարանէն թեպէտ փոքր ինչ վախցան, բայց իւրեանց քաջ սուսմնորդներուն օրինակը շուտ մ'այս երկիրը փարատեց և գիտենք քաջութեամբ պատերազմելու յորդորեց: «Կատերազմե սկսելուն պէս» Թաթարներն սկսան իւրեանց սաստիկ նետերն Հայոց վերայ տեղացնել և անոնցմէ շատ մարդ վիրաւորեցին: Հայ զօրքն որոնց մեծ մասը սուսերաւոր և տիգաւոր էր՝ տեսնելով որ կը սկարանան, սուրերնին քաշեցին և թշնամուոյն վրայ յարձակելով անոնցմէ շատ մարդ ջարդեցին, և դաշտին երեսը նոցա դիակներով ծածկեցին, բայց կատարեալ յաղթութիւնը չկրցան ստանալ, վասն զի իրենցմէ տասնապատիկ աւելի թշնամին իւր նետից տարախն անդադար տեղալով իւրեանց մեծ մասը վիրաւորած էր: Դապուհ սպարապետը տեսաւ որ ա՛լ դէմ գնելը կարելի չէ, արքայորդւոյն ասաց. «պէտք ենք ետ քաշուիլ, վասն զի զօրաց մեծ մասը վիրաւորած ինկած է, և այս նետից դէմ նոր տեսակ զգեստ մի պատրաստելու ենք»: Բայց արի պատանին նորա խօսքին ականջ չը

դրաւ, և կրկին զարնուելու սկսաւ, կամալով յաղթութիւնը բռնի ստանալ: Դապուհ տեսնելով որ վտանգն երթալով կը մեծնայ, արքայորդին ալ չկրցաւ խօսքով համոզել որ ետ դանայ, բարկութեամբ նորա վերայ յարձակեցաւ, և կռնակին սաստիկ զարնելով՝ ստիպեց որ ետ քաշուի: Այսպիսով պատերազմը դադրեցաւ և Դապուհ ու Գաւիթ Սենեքերիմին քովը դարձան, որոնցմէ թագաւորը պատերազմին զբժբազդ վախճանն իմանալով՝ մեծ արամուտեան ու հօգի մէջ ինկաւ, վասն զի դիտէր որ թշնամին կամաց կամաց յառաջ պիտ'որ քայլէ և իւրեն ու ժողովրդեան մեծամեծ շարիքներ պիտ'որ հասցնէ: Աստի սոցա առջեւն առնելու համար, շուտ մի բոլոր իշխանք կանչեց և նոցա հետ խորհուրդ ընելով՝ որոշեց որ երկիրը Յունաց կայսեր յանձնէ, և ինքն նորա իշխանութեան ներքեւ խաղաղ տեղ մը քաշուի ու հանգիստ կեանք անցնէ: Այս խորհրդով նամակ մի գրեց և իւր Գաւիթ որդւոյն ձեռքովը կայսեր յուղարկեց, որուն մէջ բոլոր իւր երկիրներն նորա կուտար, և նոցա փոխարէն Աբաստիա քաղաքն իւր շրջակայ դաւառներովն կը խնդրէր: Աստի կայսրն Գաւիթ մեծ ընդունելութիւն ըրաւ, և նորա հօրը խնդիրը սիրով յանձն առ,

ներով՝ մասնաւոր հրովարտակով՝ մի Սերաստիան իրեն տուաւ, Սենեքերիմ այս հրովարտակն առածին պէս, բոլոր ընտանիքն, ազգականներն, իշխանք և զօրքն ժողովեց Սերաստիա գընաց, և գաշանց թղթով Վասպուրականը կայսեր յանձնեց:

Սկիւթացիք Վասպուրականի մէջ Հայոց յաղթեէն զկնի՝ ամէն կողմ տարածուեցան, որոնցմէ Տուղրիլբէկ անուամբ իշխան մի մեծ դումարտակով մը Սմբատին երկիրը մտաւ և սկսեց Նիգ գաւառն ասպատակել: Վասակ Պահլաւունի Սպարապետն՝ որն որ նոյն ժամանակ այն գաւառին Բջնի ըսուած բերդին մէջ կ'նստեր, շուտ մի այս յարձակումը թագաւորին իմացուց: Իսկ ինքն նոյն միջոցին քովս գրտնուած (500) զօրքն առած՝ Բջնին իւր Գրիգոր որդւոյն յանձնեց և թշնամւոյն վրայ գնաց, և նախ վանք մի մտնելով՝ ինքն և բոլոր զօրքն խոտովանեցան մեղքերնին և այնպէս սկսան աներկիւղ յառաջ երթալ: Ճամբան գիւղի մի սպատահեցան, ուր թշնամեաց մի մասն մտած բոլոր դիւղացիներն անխնայ ջարդած՝ տները թալլելու հետ էր, Սպարապետն այս անողորմ գործքին վրայ սաստիկ բարկացաւ, և նոցա վըրայ յարձակելով՝ նոյն տեղը երկու հարիւր հո-

յի ջարդեց, մնացածն ալ՝ իւրեանց բանակն հալածեց և յաղթանակաւ յառաջ անցնելով՝ նոցա բուն բանակին հասաւ: Իւր քիչւոր զօրքն իւրեանց առաջին յաղթութենէն քաջալերուած նոցա բազմութիւնն բանի տեղ չդրին և աներկիւղութեամբ նոցա վրայ յարձակեցան և մեծ կոտորած ըրին: Պատերազմին սաստկացած միջոցին Սկիւթացւոյ՝ բանակէն Վիթխարի խափշիկ մի՝ որն որ իւր սաստիկ քաջութեանը համար Եօթնդայլ կը կոչուէր, Հայոց բանակին ձայն տուաւ և Վասակը յառաջ կանչեց որ իւր հետ մենամարտի: Յառաջ անցաւ քաջ Սպարապետն և նորա նիզակի հարուածն պարապի հանելով՝ ինքը սրովս նորա գլուխը զարկաւ երկու կտրեց և մեռած գետինը փռեց: Այս տեսնելով Սկիւթացիք սաստիկ կատղեցան և պատերազմն աւելի ևս սաստկացնելով՝ երկու կողմանէ ալ շատ կոտորած եղաւ: Սպարապետը տեսաւ որ իւր սակաւաթիւ զօրքն տկարանալու վրայ է, զարկաւ ճղքեց թշնամւոյն բազմութիւնն ու Սերկիւլոյ լեռան վրայ ելաւ որ փոքր ինչ հանդչի: Անդ բարձր աւել մի քնացած միջոցին, չար դիւղացի մը զինքը հրելով վարնետեց և սպաննեց:

Ռմանք կը սպտմեն թէ՛ Վասակ Սկիւթա-



ցւոյ զօրքին յազթելէն զկնի, Աերկեւելոյ լե-  
րան վրայ ելած՝ Աստուծոյ գոհութեան աղօթք  
կը մատուցանէր: Նոյն ժամանակը թշնամեաց  
մին՝ որ անդ թաքստի էր, գլխուն մեծ քար մը  
զարկաւ և սպաննեց:

Ամբաստին թագաւորութեան Գ. տարին Գոր-  
գի Ափխազաց թագաւորը Յունացմէ ապստամ-  
բեցաւ, որուն՝ Աեգրենոս Յոյն պատմագրին  
պատմածին նայելով՝ նաեւ Ամբաս շատ օգ-  
նութիւն ըբաւ: Եւ երբ որ Վասիլ կայսրը  
Գորգիին վրայ գալով՝ նորա յաղթեց և սկսաւ  
Հայաստանի սահմանը մօտենալ, Ամբաս վախ-  
ցաւ որ անիկա իր երկիրն ալ կը յարձակի, ուս-  
տի անմիջապէս Պետրոս կաթողիկոսին ձեռ-  
քովն նորա նամակ մը յուղարկեց, որուն մէջ  
կը խոստանար իւր մահուանէն զկնի Անի քա-  
ղաքն և բոլոր իւր տիրած երկիրներն իրեն  
յանձնել, որովհետեւ ինք որդի չունէր որ իւրեան  
յաջորդէր: Կայսրը շատ ուրախութեամբ նա-  
մակն ընդունեց, և թագաւորին հետ հաշտու-  
թիւն ըբաւ:

Կաթողիկոսն այս պատգամաւորութիւնն  
կատարելէն զկնի, Աերաստիա քաղաքը Սենե-  
քերիմի քով գնաց, և քանի մի տարի հոն,  
քիչ մ'ալ Վաղիկ՝ Վարոյց թագաւորին քովը

մնալով՝ Անի քաղաքն իւր աթոռը դարձաւ:  
Բայց հոն թագաւորին և իշխանաց ըրած ան-  
կարգութիւնները տեսնելով՝ թող տուաւ Վաս-  
պուրական գնաց: Ամբաս Պետրոս կաթողիկոսին  
այս դործքին վրայ զայրացած, ուղեց զանի ձեռք  
ձգել և պատժել, այս պատճառաւ մի նամակ  
դրեց կաթողիկոսին և կրկին Անի հրաւիրեց,  
խոստանալով որ այնուհետեւ իրեն մօտիկ կընէ:  
Վասպուրականին Յոյն իշխաններն ալ միջնորդ-  
բանեց, Կաթողիկոսն այս նենդութենէն խաբ-  
ուեցաւ և դարձաւ նորէն Անի եկաւ, բայց  
թագաւորն հրաման տուաւ որ զինքն անմիջա-  
պէս բռնեն քանտ գնեն, և նորա տեղը Ռէոս-  
կորոս Սանահնի վանքին առաջնորդը կաթողի-  
կոս դրաւ: Ռէոսկորոս կաթողիկոսութիւնն ա-  
ռածին պէս սկսաւ ամէն տեսակ անկարգու-  
թիւն գործել, շատ անարժան մարդիկ եպիս-  
կոպոս ձեռնադրեց, յայտնի յանցանաց համար  
իւրեանց աթոռէն մերժուածները նորէն ետ  
դարձուց և անոնց նման շատ դործքեր ըբաւ:  
Հայոց եպիսկոպոսները և բոլոր եկեղեցականք  
այս անկարգութիւններն տեսնելով՝ զթագա-  
ւորն և Ռէոսկորոսին կաթողիկոս ըլլալուն մատ-  
նակեց եզոզ իշխանները նզովեցին, և կաթողի-  
կոսին անունն եկեղեցիներու մէջ յիշելէն դադ-  
12

րեցան : Այս նշովքը թագաւորին և իշխանաց  
չանթի հարուածի պէս եկաւ , ուստի անմիջա-  
պէս Պետրոս կաթողիկոսն մէկ ու կէս տարի  
բանտը կենալէն զինի հանեցին և շատ աղա-  
չանքով հաւանեցնելով՝ կրկին իւր ակթուր  
նստեցուցին . իսկ Պէոսկորոս Սանահնի վանքը  
քաշուեցաւ :

Եօթն տարիի չափ ետքը Կոստանդին կայս-  
րը՝ Վասլին եղբայրը հիւանդանալով և մահուան  
մօտ ըլլալն իմանալով , իւր ծառայներուն հրա-  
ման տուաւ որ Հայոց տղղէն մէկն գտնեն և  
իրեն բերեն : Ծառանքը Կիրակոս անունով  
քահանայ մի գտան , որն որ Կաթողիկոսարա-  
նին մէջ հիւրերու հոգաբարձու էր և նոյն ժա-  
մանակը Կոստանդնուպօլիս կը գտնուէր , և ա-  
ռին կայսեր բերին : Կոստանդին՝ Սմբատին Ա-  
նին համար տուած նամակն այս քահանային  
ձեռքը տուաւ և ըսաւ . « Այս գիրը տար՝ Հա-  
յոց թագաւորին տուր և իմ կողմանէս ըսէ .  
որովհետեւ ինծի ալ ամէն հողածիններուն պէս  
մահուան հրաւեր եկաւ , առ քու նամակդ ու  
թագաւորութիւնդ որդւոյդ տուր » : Կիրակոս  
նամակն առաւ քովը պահեց , և երբ որ Մի-  
քայէլ Ռ. Յունաց կայսրութեան գահը նստաւ ,  
աարաւ նորա տուաւ : Այս անգգամութեան

գործքին դառն հետեւութիւնները քիչ ժամա-  
նակուան մէջ սկսան երեւալ , որոնց վրայ իրա-  
ւամբ կ'ողբայ Արիստակէս Լաստիվերոսացի ժա-  
մանակակից պատմագիրն՝ որն որ այն ամէն տա-  
ռապանքներն աչքովը տեսաւ :

Արիստակէս այս ժամանակներս Վասպու-  
րական նահանգին Բերկրի քաղքին մէջ պատու-  
հած վարհուրելի դէպք մը կը պատմէ : Բերկրի  
քաղաքը , կ'ըսէ , ժամանակէ մը 'ի վեր Պար-  
սիկները Յունաց ձեռքէն առած՝ և Խորիկ ա-  
նունով անդուծ և անողորմ իշխան մը հոն քա-  
ղաքապետ դրած էին : Յունաց իշխանները  
Պանձի Հայ իշխանին հետ մէկտեղ նորէն զա-  
նիկա պատերազմաւ ետ առին : Խորիկը քաղ-  
քին միջնաբերդը փակուցին , և այնուհետեւ  
սկսան անհոգ նստիլ : Քաղաքապետը մօտաւոր  
ամիրաներուն ծածուկ մարդ յուղարկեց և օգ-  
նութիւն խնդրեց , որոնք անմիջապէս զօրքեր-  
նին առին և եկան յանկարծ Յոյն ու Հայ զօ-  
րաց վրայ յարձակեցան , շատերը ջարդեցին և  
մէկ մասն ալ դերի բռնեցին : Այն միջոցին  
Խորիկ միջնաբերդէն դուրս ելաւ , և իւր գա-  
ղանային վրէժն հանելու համար , հրաման ըրաւ  
որ մէկ մարդաչափ խորունկ փոս մը փորեն և  
դերիներէն այնչափ մարդ մորթեն , մինչեւ որ

նոցա արեամբը փոսը լեցուի , և երբ որ հրամանը կատարուեցաւ , ինքը մտաւ նոյն արեան մէջ և լուացուեցաւ :

Սմբատ (20) տարի թագաւորութիւն ընելէն զինի Անիին մէջ վախճանեցաւ . իւր եղբայրն Աշոտ ալ՝ որն որ թագաւորութեան յաջորդ պիտ'որ ըլլար , իրմէ փոքր ինչ յառաջ մեռած ըլլալով՝ միայն անոր որդին Գագիկ թագաւորութեան ժառանգ մնաց :

Սմբատ մեռնելուն անմիջապէս Հայաստանին խաղաղութիւնը բարձրօրէն խռովեցաւ , նախարարաց միմեանց հետ ունեցած կապը խզեցաւ , արտաքին թշնամիք ալ երկիրն անտերունջ տեսնելով՝ ամէն կողմանէ ներս յարձակեցան , և Հայոց թագաւորութեան խախտած և քայքայած շէնքին սաստիկ բաղխելով՝ անոր վերջին կործանումը բերին , որուն աղետալի նկարագիրն այս և հետեւեալ գլխուն մէջ պիտի պատմենք :

Ինչպէս վերը պատմեցինք , Յովհաննէս Սմբատ թագաւորն իւր կենդանութեան ժամանակը Յունաց կայսեր թուղթ տուած էր որ իւր մահուանէն ետքը Անի քաղաքն և նորա չրջակայ գաւառներն իւրեան տայ : Երբ որ ինքն վախճանեցաւ Միքայէլ կայսրն Հայոց դեռպան

ուղարկեց և պահանջեց որ քաղաքն իւրեան յանձնեն : Նորա այս բանս յանձն չառին , ասոր համար կայսրն երեք անգամ մեծ բանակներ յուղարկեց , որոնք համարձակ Հայաստան մտան , շատ տեղեր աւար առին , շարդեցին ու քանդեցին . շատ քաղաքներ ալ զիրենք պաշտպանող չգտնելով՝ Յունաց անձնատուր եղան : Նախարարներն ու զօրքն իւրեանց մէջ ծագած երկպառակութեան համար չկրցան միաբան Յունաց դէմ ելլել և երկիրը պաշտպանել : Վասն զի Վեստ Սարգիս իշխանն՝ Սմբատին տէրութեան հոգաբարձուն , նորա մահուան ժամանակը բովանդակ արքունի դանձն ժողված իւրեան առած էր , և կուզէր ինքն թագաւորել , շատ ամբողջներ և քաղաքներ ալ իւրեան կողմնակից զօրքերով բռնած էր : Իսկ Վահրամ Պահլավունի սպարապետն և ուրիշ շատ իշխաններ Սարգսին դէմ զատ միաբանութիւն մ'ըրած էին :

Այս խառնակութեան մէջ Դաւիթ Անհուղին Սղուանից թագաւորը Հայաստան յարձակեցաւ և շատ աւեր և ապականութիւն ըրաւ , Նոյնպէս Յոյներն ալ առաջին երեք արշաւանաց յաջողելուն վրայ վստահացած՝ չորրորդ անգամ 400,000 զօրքով Հայաստան մտան և մինչեւ

Անիին տուջեւն հասնելով՝ ամէն կողմանէ սաստիկ պաշարեցին : Քաղքին մէջն եղող զօրքն՝ որոնց թիւն 30,000 էր ; տեսնելով որ վերջին վտանգի մէջ են , և միանդամայն Յոյն զօրքին ամէն օր իւրեանց տուած սաստիկ անարգանքէն և խօսած հայհոյութիւններէն արտաքոյ կարգի դրդուելով՝ իւրեանց Վահրամ սպարապետին առաջնորդութեամբն քաղքին Օաղկոց ըսուած դռնէն յանկարծ դուրս յարձակեցան , և այնպիսի կատաղութեամբ մը Յոյներն սկսան զարնել որ նոքա սարսափած՝ կռնակինն դարձուցին և խառն 'ի խուռն փախան : Հայոց գունդն նոցա ետեւէն ինկաւ և որուն որ հասաւ առանց խնայելու զարկաւ սպաննեց , և քաղքին առջևի կանանչազարդ դաշտն կոյտ կոյտ գիտկներով լեցուց , մինչեւ արեան յորդութիւնն Ախուրեան գետին չուրը կարմիր ներկեց : Վահրամ սպարապետին սիրտն այս ուղորմելի տեսարանէն շարժելով՝ աղաչանօք եւ յորդորանքով հազիւ իւր զօրքն համալեց որ պատերազմը դադրեցնեն : Յոյները պատերազմի դաշտին վրայ 20,000 մեռեալ և վիրաւորեալ թողին : Իսկ բանակին մնացած մասն ջիւր և ցան եղած փախաւ : Այս յաղթութենէն ետքը Վահրամին հետ միաբանած նախարարները

խորհուրդ ըրին և Պետրոս կաթողիկոսն ալ կանչելով՝ Սմբատին եղբորսրդին Պազիկ Բ. առայդ և իմաստուն երիտասարդն՝ Հայոց թագաւոր օժեւ տուին : Սարգիս այս բանս իմանալուն անմիջապէս , գանձերն առաւ Անիի բերդը մտաւ ամրացաւ : Պազիկ արիական քաջասրտութեամբ ելաւ մինակ նորան քով դնաց և յորդորեց որ անկէ ելլէ երթայ , այն ալ հաւանեցաւ . բայց իւր ձեռքին տակն եղող քաղաքներն և բերդերը թագաւորին չտուաւ , այլ կը մտածէր որ Յունաց երկիրն անցնի և նոցա ամէնն ալ կայսեր սայ :

Պազիկ նորա միտքն իմանալով՝ քանի մի հոգի հետն առած՝ նորա բանակը դնաց , մտաւ աներկիւղ նորա վրանն և բռնեց Անի բերաւ , և սաստիկ պատիժներով ստիպելով՝ ամէն բերդերն և թագաւորական գանձերն ձեռքէն առաւ : Երբ որ այսպէս բոլոր հայրենի երկիրներուն ուիրեց , զօրքն ժողվեց ամէն կողմ պտըտակեցաւ , և իւրեան չհնազանդողները նուաճեց . և այնուհետև Գրիգոր Պահլաւունին Վահրամ սպարապետին եղբոր որդին հետն առած՝ Թաթարաց վրայ յարձակեցաւ . որոնք նոյն միջոցին բազմութեամբ իւր երկիրը մտած կ'արեւին և կ'ասպատակէին . զարնուեցաւ նոցա հետ Հորաստան

դետին քով, և այսպէս թագաւորութիւնն ա-  
մէն կողմանէ ապահովցնելով՝ իր ամուր դար-  
ձաւ: Բայց հազիւ թէ տարի մը խաղաղու-  
թեամբ անցաւ, Սարգիս՝ անհատաարիմ՝ ու  
տիրանենդ իշխանն սկսաւ դարձեալ թագաւո-  
րին դէմ գաւաճանութիւն ընել, Վասն զի Գա-  
ղիկ այս նենդաւորին կեղծաւորութենէն խաբ-  
ուելով՝ նորա յանցանքին թողութիւն տուած և  
կրկին մեծ պատուոյ հասցուցած էր:

Սարգիս՝ վտխանակ այս բարերարութեան  
երախտադէտ լինելու, զանիկայ իւր միտքը գը-  
րածն յառաջ տանելու գործածեց: Այս միջոց-  
ներուն Աստուանդին Մանուկոսս՝ Միքայէլ Ն. ին  
յաջորդելով՝ Սարգիսին դադանի գրդուութեամբն  
Քաղիկին դեսպան յուղարկեց և Անին իւր գա-  
ւառներովն հանդերձ անկէ ուզեց: Թագաւորն  
ամենեւին յանձն չառաւ իւր արքունի քաղաքն  
օտարի տալ, այն ժամանակ կայսրը Միքայէլ  
Ասիտ իշխանը մեծ բանակով Հայաստան յու-  
ղարկեց որ քաղաքը բռնութեամբ առնու: Գա-  
ղիկ հայագունդ զօրքով նորա դիմացն ելաւ,  
զարկաւ ցրուեց նորա բանակն և յաղթանա-  
կաւ իւր քաղաքն գարձաւ: Աստուանդին իւր  
զօրացն յաղթուելուն դոյժն առածին պէս՝ Նի-  
կողայոս զրապեան աւելի շատ զօրքով Քաղի-

կոս վրայ յուղարկեց. Գուինի Ապուսլար ամի-  
րային ալ թուղթ մը գրեց որ ինքն ալ արեւե-  
լեան կողմանէ նորա վրայ յարձակի, և այսպէս  
զանի ամէն կողմէն նեղը ձգեն: Այսպիսի ծանր  
և վտանգաւոր վիճակի մէջ էր Հայոց երիտա-  
սարդ թագաւորն, բայց իւր անվեհեր քաջու-  
թիւնը չուամ՝ իւրեան ինչ ընելիքը սորվեցուց:

Անմիջապէս իւր զօրութիւնը մէկտեղ հա-  
ւաքելով՝ իմացաւ որ չիկրնար երկու մեծ թըշ-  
նամեաց մէկտեղ յաղթել. ուստի աճապարեց  
Ապուսլարին շատ ընծայներով դեսպաններ յու-  
ղարկեց, և նորա հետ հաշտութիւն ըրաւ: Այ-  
նուհետեւ բանակին գլուխն անցած՝ քաղեց  
Յունաց վրայ, որոնք յաղթութիւնն ստոյգ գիտ-  
նարով կը փութային ժամ յառաջ Հայոց հետ  
զարնուիլ: Բանակներն միմեանց մտնենալուն ան-  
միջապէս, հրաման տուաւ Հայոց թագաւորն  
որ փողերն հնչուին և զօրքն զարնուելու սկսին:  
Պատերազմն երկայն չտեւեց, վասն զի Հայ զօր-  
քը սաստիկ յարձակմամբ Յունաց բանակը ցըր-  
ւեց և փախչելու ստիպեց:

Առսանդին կայսրը տեսնելով որ չկարո-  
ղացաւ իւր կամքը բռնութեամբ յառաջ տա-  
նիլ, յունական նենդութիւնն ձեռք առաւ, ու  
բուն Աեստ Սարգիս ալ իւր կողմնակիցներովն

այլէկ օգնական լինելով՝ Հայոց թագաւորու-  
 թեան վերջին կործանումը բերաւ : Արովհետեւ  
 այս իշխանին խորհրդովը կայսրը Պապիկին սի-  
 րոյ թուղթ մը գրեց , և զանիկայ հրաւիրեց որ  
 գայ իրեն հետ աեսութիւն մ'ընէ , ու լսալի եւ  
 աւետարանի վրայ երգում ընելով՝ կը խոսաա-  
 նար զինքը նորէն իւր երկիրը յուղարկել որ  
 խաղաղութեամբ թագաւորէ : Միայն կ'ըսէր ,  
 մէկ անգամ մի զքեզ տեսնեմ , այնուհետեւ  
 քեզի քու թագաւորութիւնդ որդւոց որդի կը  
 թողում , բայց իմաստուն թագաւորն Յունաց  
 խաբէութիւններն և նենգաւորութիւնն գիանա-  
 լով՝ յանձն չաւաւ : Այն ժամանակը Սարգիս  
 և իւր դաւակիցիներն սկսան թագաւորն յորդո-  
 րեւ որ երթայ , և Պետրոս կաթողիկոսն ալ միջ-  
 նորդ բռնելով՝ խոստացուն որ իրենք հաւատա-  
 րիմ կը մնան և իւրեան համար կեանքերնին կը  
 զոհեն : Այս խոստումնին հաստատուն պահե-  
 լու համար կաթողիկոսն և ամէն իշխանք Քրիս-  
 տոսի ալեամբն երդման գիր մը գրեցին և թա-  
 գաւորին տուին :

Պապիկ սորա վրայ վստահացած՝ Անիին  
 բանալիները Պետրոս կաթողիկոսին յանձնեց և  
 ինքն ելաւ կայսեր քովը գնաց , թէպէտ և  
 Վահրամ սպարապետն և ուրիշ զինքն թագա-

ւորեցնող իշխանք խորհուրդ կուտային որ չեր-  
 թայ : Աստանդնուպոլիս համեղուն անմիջապէս  
 բոլոր կայսերական իշխանները հանդիսով և  
 մեծ պատուով զինքն գիմաւորելու եկան , և  
 առին կայսեր տարին : Աստանդին քանի մ'օր  
 նորա պատիւ ըրաւ , և յետոյ սկսաւ պահանջել  
 որ Անին իւրեան տայ . եւ երբ որ Պապիկ ա-  
 մենեւին մէկ եղանակաւ մը նորա չզիջաւ , բար-  
 կանալով՝ զինքն կղզւոյ մը մէջ բանտի պէս ար-  
 զիղեց : Իշխանք Հայոց՝ այս եղածը իմանալուն  
 անմիջապէս խորհրդի ժողովուեցան , եւ սմանք  
 կուղէին Անին Ափխազաց Բաղարատ թագա-  
 ւորին , ոմանք ալ Այրւանից Պաւիթ թագաւորին  
 տալ : Կաթողիկոսն տեսնելով որ ինչպէս որ լինի  
 քաղաքն օտարայ ձեռքն ըլիտի անցնի , ուստի  
 Սամուսատ նասող Յայն իշխանին այսպէս թուղթ  
 մը գրեց , « Թագաւորիդ իմացուր որ ես Անին  
 եւ բոլոր մեր տէրութեան երկիրներն իւրեան  
 կրտամ , բայց անիկայ ասոր ինչ հատուցում  
 կ'ընէ » : Կայսրը Սամուսատի իշխանէն Այթո-  
 զիկոսին միտքն իմանալով՝ անմիջապէս նորա  
 շատ ստակ յուղարկեց եւ զանազան պատիւներ  
 շնորհեց , որոնցմով Պետրոս հաճելով՝ Անիին  
 40 բանալիները կայսեր յուղարկեց , բանալի-  
 ներուն հետ միասին տիրաննեղ իշխաններն սլ

կայսեր թուղթ մը յուզարկեցին , որուն մէջ կ'ըսէին թէ Անին եւ բոլոր արեւելեան Հայոց թագաւորին իշխանութեան ներքեւ եղող երկիրները քեզի կուտանք :

Մոծոմախոս երբ որ այս նամակն առաւ , կանչեց զՎաղիկ նամակն եւ բանալիներն նորա առաջը դնելով՝ ըսաւ . Սհաւասիկ քու իշխաններդ բոլոր քու երկիրներդ ինձի տուին : Թագաւորն սաստիկ այլայլեցաւ , եւ հառաչելով պատասխանեց . Ստուտ՝ իմ եւ նենգաւոր իշխաններուս մէջ դատատան ընէ , բայց իմ ժողովրդիս հաճութեամբը որ Հայաստանին տէրն ու թագաւորն ես եմ , ուստի թէպէտ եւ իշխաններս զանկիայ քեզի տան , ես ամենեւին չեմ տար : Կայսրը 30 օր անդադար աշխատեցաւ որ Վաղիկէն հաւանութիւն առնու , բայց անկարելի եղաւ . վասն զի անկիայ միշտ հաստատութեամբ պատասխան կուտար թէ՛ Չեմ կրնարիմ հայրենեացս երկիրն եւ մարաքաղաքս քեզի տալ : Յետոյ ամենելով որ իւրեան Հայաստան դառնալու եւ նորէն թագաւորութիւնը ձեռք ձգելու ամենեւին յոյս եւ միջոց մը չկայ , ապամայ կայսեր զիջաւ , եւ Անիին տեղ Պիղուքաղաքն եւ քանի մ'որիչ քաղաքներ առնելով հոն քաշուեցաւ : Յետոյ Վաղիկ Յունաց երկ-

րին մէջ միշտ ապրին անդին կը շրջէր , եւ ուր որ կ'երթար , Յոյներուն նեղութիւն կուտար նոցա իւրեան ըրած չարեացը վրէժն առնելու համար :

Կոստանդին կայսրը Վաղիկին հաւանութիւնն առնելուն անմիջապէս՝ Պարսկամանսոս ներքինին շատ զօրքով Հայաստան յուզարկեց որ Անին առնու . բայց անկիայ երբ որ քաղքին առջեւն հասաւ , դռները փակուած գտաւ , սրով հետեւ թագաւորին հաւատարիմ մնացած զօրքն եւ ժողովուրդն՝ իւրեանց փրօջը վրէժն առնելու համար Անիի մէջ ժողվուած եւ պատերազմի պատրաստուած էին :


Պարսկամանսոս քաղաքը պոշարեց եւ ըսկաւ զարնել . ներսիններն ալ քաջութեամբ դէմ կը դնէին եւ բիւր հայհոյութիւններով եւ թշնամանիչ խօսքերով բոլոր Յունաց ազգը կը նախատէին : Քիչ մը ժամանակ այսպէս անցնելէն յետոյ , օր մը քաղաքացիք եւ զօրքը կարգի մտնելով՝ յանկարծ դարս յարձակեցան , յունական բանակը չարաչար զարկին եւ ցիր օցան ըրած փախուցին , եւ նոցա աւարը ժողվելով քաղաքը դարձան : Գեռ այս յաղթութեան ուրախութեան մէջն էին , երբոր դոյժ հասաւ որ Վաղիկ թագաւորն Յունաստան արդիւրէր և ա՛լ ետ պիտի չդառնայ , ամենուն ուրախու-

Թիւնը տրամութեան իսխուեցաւ, բայց քա-  
ղաքն մեծէն մինչեւ փոքրը սուգ մտան և կո-  
ծով ու լայքով սկսան իւրեանց թաղաւորն  
ողբալ եւ նորա դաւաճանութիւն ընողներուն  
դէմ անէժք և նզովք կարդալ. վասն զի իւր-  
եանց ապաղայ վիճակն յայտնի կը դուշակէին:  
Եւ տեսնելով որ ա՛լ ուրիշ հնարք չկայ,  
Յունաց զօրապետն ետ կանչեցին և խաղաղու-  
թեամբ քաղաքն իւրեան յանձնեցին:

Ահա ասիկ ՝ Անի, հռչակաւոր քաղքին  
առումնը, որուն պատճառաւ Հայաստանը ա-  
ղետից և թշուառութեանց անպարէզ գարձաւ:







# ԶԵԿՈՒՑՈՒՄՆ



ՔՐԻՍՏՈՆԷՈՒԹԻՒՆ

ԵՒ

ԼՈՒՏԵՐՍԿՍՆ ՀՍՅԵՐ



Այս վերնագրով մի գրքից ունիմք հրատարակելի եթէ գրամական միջոցնիս մեզ թողաւորէ, շուտով 'ի լոյս կ'ընծայեմք :

6344

6345

6346

6347

6348

7667000

ՀՀ Ազգային գրադարան



NL0002305

ՀՀ Ազգային գրադարան



NL0002304

ՀՀ Ազգային գրադարան



NL0002303

ՀՀ Ազգային գրադարան



NL0002302

ՀՀ Ազգային գրադարան



NL0001997

